



Broj: 12-02-20864-1/24
Sarajevo, 03.04. 2024.godine

1. PREDSEDavajući SKUPŠTINE KANTONA SARAJEVO
2. ZAMJENICI PREDSEDavajućeg SKUPŠTINE KANTONA SARAJEVO
3. PREMIJER KANTONA SARAJEVO
4. GRAD SARAJEVO, n/r gradonačelnice, Obala Maka Dizdara, 1
5. OPĆINA STARI GRAD, n/r načelnika, Zelenih beretki, 4
6. OPĆINA CENTAR SARAJEVO, n/r načelnika, Mis Irbina, 1
7. OPĆINA NOVO SARAJEVO, n/r načelnika Zmaja od Bosne, 55
8. OPĆINA NOVI GRAD, n/r načelnika, Bulevar Meše Selimovića, 97
9. OPĆINA ILIDŽA, n/r načelnika, Hrasnička cesta 2
10. OPĆINA ILIJAŠ, n/r načelnika, 126. ilijaške brigade 6, Ilijaš 71380
11. OPĆINA TRNOVO, n/r načelnika, Trnovo 36, 71223, Delijaš
12. OPĆINA HADŽIĆI, n/r načelnika, ul. Hadželi 114, Hadžići 71240
13. OPĆINA VOGOŠĆA, n/r načelnika, Jošanička 80, Vogošća 71320
14. SAVEZ OPĆINA I GRADOVA FBiH, n/r sekretara, Musala 5,
15. NVO MREŽA SPORAZUM PLUS KANTONA SARAJEVO, PUTE M UREDA ZA BORBU PROTIV KORUPCIJE I UPRAVLJANJE KVALITETOM KANTONA SARAJEVO (Ovdje)
16. MINISTARSTVO PRAVDE I UPRAVE, n/r ministrice (Ovdje)
17. MINISTARSTVO FINANSIJA, n/r ministra (Ovdje)
18. MINISTARSTVO PRIVREDE, n/r ministra (Ovdje)
19. MINISTARSTVO SAOBRAĆAJA, n/r ministra (Ovdje)
20. MINISTARSTVO ZA BORAČKA PITANJA, n/r ministra (Ovdje)
21. MINISTARSTVO ZDRAVSTVA, n/r ministra (Ovdje)
22. MINISTARSTVO ZA ODGOJ I OBRAZOVANJE, n/r ministrice (Ovdje)
23. MINISTARSTVO ZA NAUKU, VISOKO OBRAZOVANJE I MLADE, n/r ministrice (Ovdje)
24. MINISTARSTVO KOMUNALNE PRIVREDE, INFRASTRUKTURE, PROSTORNOG UREĐENJA, GRAĐENJA I ZAŠTITE OKOLIŠA n/r ministra (Ovdje)
25. MINISTARSTVO ZA RAD, SOCIJALNU POLITIKU, RASELJENA LICA I IZBJEGLICE, n/r ministrice (Ovdje)
26. MINISTARSTVO UNUTRAŠNJIH POSLOVA, n/r ministra (Ovdje)
27. KANTONALNA UPRAVA ZA INSPEKCIJSKE POSLOVE, n/r direktora, Aleja Bosne Srebrene bb
28. KABINET PREDSEDavajućeg I ZAMJENIKA PREDSEDavajućeg SKUPŠTINE KANTONA SARAJEVO, n/r šefa kabineta, (Ovdje)
29. KABINET PREMIJERA KANTONA SARAJEVO, n/r šefakabineta, (Ovdje)
30. STRUČNA SLUŽBA VLADE KANTONA SARAJEVO, n/r sekretara, (Ovdje)
31. STRUČNA SLUŽBA ZA ZAJEDNIČKE POSLOVE KANTONA SARAJEVO, n/r načelnika, (Ovdje)
32. URED ZA ZAKONODAVSTVO VLADE KANTONA SARAJEVO, n/r šefa (Ovdje)
33. SLUŽBA ZA PROTOKOL I PRESS KANTONA SARAJEVO, n/r šefa (Ovdje)



34. URED ZA BORBU PROTIV KORUPCIJE I UPRAVLJANJE KVALITETOM KANTONA SARAJEVO, n/r šefa (Ovdje)
35. SLUŽBA ZA SKUPŠTINSKE POSLOVE SKUPŠTINE KANTONA SARAJEVO, n/r sekretara (Ovdje)
36. ZAVOD ZA INFORMATIKU I STATISTIKU KANTONA SARAJEVO, n/r direktora
37. PRAVOBRANILAŠTVO KANTONA SARAJEVO, n/r pravobranioca
38. EKONOMSKO-SOCIJALNO VIJEĆE KANTONA SARAJEVO, n/r predsjednika
39. NARODNO POZORIŠTE SARAJEVO, n/r direktora, Obala Kulina bana 9,
40. SARAJEVSKA FILHARMONIJA, n/r direktora, Obala Kulina bana 9
41. POZORIŠTE MLADIH SARAJEVO, n/r direktora, Kulovića 8,
42. KAMERNI TEATAR 55, n/r direktora, M.Tita 56/II,
43. SARAJEVSKI RATNI TEATAR-SARTR, n/r direktora, Gabelina broj 16,
44. MES-MEDJUNARODNI TEATARSKI FESTIVAL – SCENA MESS, n/r direktora, M.Tita 54,
45. MUZEJ SARAJEVA, n/r direktora, Josipa Šadlera broj 32
46. KANTONALNI ZAVOD ZA ZAŠTITU KULTURNO - HISTORIJSKOG I PRIRODNOG NASLJEDA SARAJEVO, n/r direktora, Josipa Šadlera broj 32
47. HISTORIJSKI ARHIV SARAJEVO, n/r direktora, Alipašina 19
48. BOSANSKI KULTURNI CENTAR KANTONA SARAJEVO, n/r direktora, Branilaca Sarajeva 24
49. BIBLIOTEKA SARAJEVA, n/r direktora, Miss Irbina 4
50. MUZEJ „ALIJA IZETBEGOVIĆ“, n/r direktora, Kapi – kula, Ploča bb
51. “COLLEGIUM ARTISTICUM” Sarajevo, n/r direktora, Terezije bb
52. OSTALI ZAINTERESOVANI
53. a/a.

POZIV NA KONSULTACIJE – OBAVJEŠTENJE

Ministarstvo kulture i sporta Kantona Sarajevo u skladu sa članom 83. stav (2) Pravila i postupka za izradu zakona i drugih propisa Federacije Bosne i Hercegovine („Službene novine Federacije Bosne i Hercegovine“, broj: 71/14) i člana 3. stav (5) Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 50/17, 2/18 - ispravka i 32/22), je na svojoj web stranici objavilo Nacrt zakona o kulturi Kantona Sarajevo.

Imajući u vidu značaj ovog zakona, prije svega, s obzirom na broj lica na koja direktno utiče primjena istog, ministar kulture i sporta Kantona Sarajevo je odlučio da se obave konsultacije sa kantonalnim organima, jedinicama lokalne samouprave, institucijama kulture i organizacijama kulture, naučnim i stručnim ustanovama i drugim zainteresovanim licima, u cilju pripreme što kvalitetnijih zakonskih rješenja u oblasti kulture u Kantonu Sarajevo.

Stoga vas pozivamo da uzmete učešće u konsultacijama, odnosno da svoje primjedbe, prijedloge, sugestije i mišljenja na tekst Nacrta zakona o kulturi Kantona Sarajevo dostavite najkasnije do srijede 24.04. 2024. godine, Ministarstvu kulture i sporta Kantona Sarajevo na adresu ulica Reisa Džemaludina Čauševića broj 1, Sarajevo ili na e-mail adresu: azra.ivazovic@mks.ks.gov.ba.

Ukoliko u utvrđenom roku ne dostavite svoje primjedbe, prijedloge, sugestije, mišljenja ili inicijative na tekst Nacrta Zakona smatraćemo da na dostavljeni tekst nemate primjedbe, prijedloge, sugestije, mišljenja ili inicijative.

Materijal možete preuzeti na web stranici Ministarstva kulture i sporta Kantona Sarajevo <http://mks.ks.gov.ba>.

S poštovanjem,

MINISTAR

Kenan Vjagović



Na osnovu čl. 12. stav 1. tačka c) i 18. stav 1. tačka b) Ustava Kantona Sarajevo („Službene novine Kantona Sarajevo“, broj 1/96, 2/96, 3/96, 16/97, 14/00, 28/04, 6/13 i 31/17), Skupština Kantona Sarajevo na sjednici održanoj __._____. 2024. godine donijela je

/NACRT/

ZAKON O KULTURI

DIO PRVI - OSNOVNE ODREDBE

Član 1.

(Predmet zakona)

- (1) Ovim zakonom utvrđuje se način ostvarivanja javnog interesa u kulturi i obavljanju kulturnih djelatnosti i uređuju uslovi rada i djelovanja ustanova kulture, prava, obaveze i odgovornosti svih subjekata u kulturi, uslovi i postupak za sufinansiranje i finansiranje djelatnosti u kulturi i podrška razvoju kulture, kulturna politika i druga pitanja od značaja za kulturu.
- (2) Pojedinačne djelatnosti kulture, uredit će se posebnim zakonima.

Član 2.

(Sloboda djelovanja i javni interes)

- (1) Djelovanje u oblasti kulture je slobodno, afirmiše i čuva slobodu misli i izražavanja u okviru ustavom i međunarodnim instrumentima zagarantovanih prava i odgovornosti.
- (2) Kanton Sarajevo sa jedne strane (u daljem tekstu: Kanton) i Grad Sarajevo (u daljem tekstu: Grad) i općine sa područja Kantona, sa druge strane (u daljem tekstu: jedinice lokalne samouprave) brinu se za ostvarivanje javnog interesa u oblasti kulture.

Član 3.

(Ravnopravnost i zabrana diskriminacije)

- (1) Riječi muškog ili ženskog roda upotrijebljene u ovom zakonu koriste se neutralno i odnose jednako na muški i ženski rod.
- (2) U obavljanju svoje djelatnosti ustanove osiguravaju zaštitu i promicanje jednakosti bez diskriminacije po bilo kojoj stvarnoj ili pretpostavljenoj osnovi (zaštićenom svojstvu) kao što su: rasa ili etnička pripadnost ili boje kože, spol, jezika, vjera, političko ili drugo uvjerenje, nacionalno ili socijalno porijeklo, imovno stanje, članstvo u sindikatu, obrazovanje, društveni položaj, bračni ili porodični status, dob, zdravstveno stanje, invaliditet, genetsko naslijeđe, rodni identitet, seksualna orijentacija ili po nekom drugom ličnom svojstvu, položaju ili okolnosti.
- (3) Ustanove osiguravaju jednakost u mogućnostima i tretmanu svom osoblju u vršenju utvrđenih ovlaštenja.
- (4) Diskriminacijom se smatra svako različito postupanje ukoliko nema razumno i objektivno opravdanje, odnosno ukoliko ne slijedi zakoniti cilj ili ako nema razumnog odnosa proporcionalnosti između upotrijebljenih sredstava i cilja koji se želi postići.

Član 4.

(Pojam kultura)

- (1) Kultura obuhvata kulturno i umjetničko stvaralaštvo i djelatnosti kojima se stvaraju, prezentuju, promovišu, štite i čuvaju kulturna dobra, umjetnička djela i druge duhovne tvorevine, stručni i naučno-istraživački rad u kulturi i usluge od neposrednog značaja za ostvarivanje kulturnog i umjetničkog stvaralaštva.

- (2) Kultura obuhvata i različite forme kulturnog izražavanja, putem promocije i prezentacije kulturnih i umjetničkih sadržaja.

Član 5.

(Načela ostvarivanja i razvoja kulture)

Kultura se ostvaruje i razvija na načelima:

- a) slobode stvaralaštva i poštovanja prava na kulturu;
- b) opredijeljenosti Kantona i jedinica lokalne samouprave da podstiču i pomažu razvoj kulturnog i umjetničkog stvaralaštva;
- c) zaštite i očuvanja kulturnog i historijskog naslijeđa;
- d) ravnopravnog očuvanja svih kulturnih identiteta i poštovanja kulturne različitosti;
- e) otvorenosti i dostupnosti kulturnih sadržaja javnosti;
- f) izgradnje i unapređenja sistema kulture, u skladu sa međunarodnim standardima, a naročito standardima Evropske Unije;
- g) uspostavljanja efikasnog, racionalnog i kreativnog upravljanja u kulturi;
- h) transparentnog djelovanja u kulturi;
- i) poštovanja autorskog i srodnih prava;
- j) integrisanja kulturnog razvoja u socijalno-ekonomski i politički dugoročni razvoj demokratskog društva i zajednice;
- k) demokratizacije kulturne politike i decentralizacije organizovanja i sufinansiranja kulture.

DIO DRUGI - JAVNI INTERES U KULTURI

Član 6.

(Poslovi od javnog interesa u kulturi)

- (1) Kultura je od javnog interesa za Kanton.
- (2) Javni interes u kulturi predstavlja:
 - a) ravnomjeran razvoj kulture na cijeloj teritoriji Kantona;
 - b) institucionalno organizovanje i obavljanje djelatnosti kulture;
 - c) zaštita i očuvanje materijalne i nematerijalne kulturne baštine;
 - d) otkrivanje, prikupljanje, istraživanje, dokumentovanje, proučavanje, vrednovanje, zaštitu, očuvanje, interpretaciju, predstavljanje, korišćenje i upravljanje kulturnim nasljeđem;
 - e) zaštita i očuvanje kulturnog stvaralaštva Kantona i kulturnih dobara izvan teritorije Kantona i Bosne i Hercegovine;
 - f) finansiranje tekućih rashoda i ostvarivanje programa ustanova kulture čiji je osnivač Kanton;
 - g) sufinansiranje programa i projekata ustanova kulture čiji je osnivač jedinica lokalne samouprave i drugih subjekata u kulturi koji svojim kvalitetom doprinose razvoju kulture i umjetnosti;
 - h) stvaranje uslova za ostvarivanje i razvoj svih oblasti kulturnog i umjetničkog stvaralaštva;
 - i) međunarodna kulturna saradnja i prezentacija bosansko-hercegovačkog kulturnog i umjetničkog stvaralaštva i kulturne baštine;
 - j) podsticanje primjene novih tehnologija u kulturi, naročito informacionih tehnologija i digitalizacije;
 - k) stvaranje uslova za podsticanje samostalnog kulturnog i umjetničkog stvaralaštva;
 - l) stručna i naučna istraživanja u kulturi;
 - m) stvaranje uslova za podsticaj razvoja i afirmaciju mladih talenata;
 - n) podsticanje donatorstva i sponzorstva u kulturi;
 - o) očuvanje izvornih i tradicionalnih kulturnih i etno-kulturnih posebnosti;

- p) razvoj amaterskog kulturno-umjetničkog stvaralaštva;
- r) podsticanje kulturnog i kreativnog rada osoba sa invaliditetom i dostupnosti svih kulturnih sadržaja osobama sa invaliditetom;
- s) podsticanje programa koji doprinose kulturnom razvoju publike;
- t) stvaranje uslova za razvoj kreativnih industrija;
- u) razvoj kulture sjećanja i pamćenja;
- v) razvoj nezavisne kulture, savremenih umjetničkih formi, eksperimentalne i neinstitucionalne scene;
- z) druge poslove od javnog interesa, u skladu sa posebnim zakonom.

Član 7.

(Strategija razvoja kulture Kantona Sarajevo)

Skupština Kantona Sarajevo (u daljem tekstu: Skupština), na prijedlog Vlade Kantona Sarajevo (u daljem tekstu: Vlada), u cilju ostvarivanja javnog interesa u kulturi, donosi Strategiju razvoja kulture Kantona Sarajevo (u daljem tekstu: Strategija).

Član 8.

(Strategija razvoja kulture jedinica lokalne samouprave)

U skladu sa Strategijom, jedinica lokalne samouprave donosi strategiju razvoja kulture jedinice lokalne samouprave.

Član 9.

(Sadržaj i način donošenja Strategije)

- (1) Strategija je planski dokument kojim se utvrđuju dugoročni ciljevi i prioriteti razvoja kulture i određuju organizacione, finansijske i administrativne mjere za njihovo ostvarivanje, a koji se donosi za određeni vremenski period (najmanje tri a najviše šest godina).
- (2) Strategijom se utvrđuje kulturna politika za period za koji je donesena.
- (3) Na osnovu Strategije, Vlada, na prijedlog Ministarstva kulture i sporta Kantona Sarajevo (u daljem tekstu: Ministarstvo), donosi akcioni plan, sa prioritetima, nadležnostima, nosiocima aktivnosti, očekivanim rezultatima, indikatorima uspjeha i rokovima sprovođenja plana.
- (4) Ministarstvo je dužno da u izradu Strategije uključi predstavnike naučnih i stručnih institucija, strukovnih udruženja, istaknutih kulturnih i javnih djelatnika, sindikata i drugih subjekata iz oblasti kulture.

Član 10.

(Savjetodavno vijeće u kulturi)

- (1) Vlada će na prijedlog Ministarstva, iz reda istaknutih umjetnika sa dokazanim rezultatima na domaćoj i međunarodnoj sceni i stručnjaka u kulturi sa dokazanim rezultatima u jednoj djelatnosti ili više kulturnih djelatnosti, formirati Savjetodavno vijeće radi davanja mišljenja i prijedloga u cilju praćenja i sprovođenja kulturne politike.
- (2) Vlada je dužna da u rad Savjetodavnog vijeća uključi po jednog predstavnika jedinica lokalne samouprave sa područja Kantona.
- (3) Sastav, mandat, nadležnost i način rada Savjetodavnog vijeća utvrđuju se aktom o obrazovanju vijeća.
- (4) Administrativno tehničke poslove i sredstva za rad Savjetodavnog vijeća obezbjeđuje Ministarstvo.

DIO TREĆI - DJELATNOSTI U KULTURI

Član 11.

(Djelatnosti u kulturi)

- (1) Djelatnosti u kulturi su djelatnosti:
- umjetničkog stvaralaštva, produkcije, interpretacije i distribucije.
 - istraživanja, prezentovanja, dokumentovanja, zaštite, interpretacije i promovisanja kulture i kulturne baštine.
- (2) Pojedine djelatnosti kulture iz stava (1) ovog člana uređuju se posebnim zakonima.

Član 12.

(Djelatnosti u oblasti umjetničkog stvaralaštva, produkcije i interpretacije)

Djelatnostima iz oblasti umjetničkog stvaralaštva, produkcije i interpretacije smatraju se:

- književnost;
- pozorišna umjetnost;
- muzika i muzičko-scenska umjetnost;
- umjetnička igra (klasični balet, savremeni ples i narodna igra);
- likovne umjetnosti;
- primjenjene umjetnosti i dizajn;
- fotografija;
- filmska umjetnost i audio-vizuelno stvaralaštvo,
- interdisciplinarno umjetničko stvaralaštvo (performans, instalacija, scenski dizajn, transmedijska umjetnost itd.);
- digitalno stvaralaštvo i multimedija;
- arhitektura;
- umjetnička interpretacija kulturnog nasljeđa.

Član 13.

(Djelatnosti u oblasti istraživanja, prezentovanja, dokumentovanja, zaštite i promovisanja kulture)

Djelatnostima iz oblasti istraživanja, prezentovanja, dokumentovanja, zaštite i promovisanja kulture smatraju se:

- otkrivanje, prikupljanje, istraživanje, dokumentovanje, proučavanje, vrednovanje, čuvanje, zaštita, interpretacija, predstavljanje, korišćenje, upravljanje i promocija kulturnog nasljeđa (materijalnog i nematerijalnog);
- bibliotečko-informaciona djelatnost;
- izdavaštvo;
- arhivska djelatnost;
- muzejska djelatnost;
- zaštita kulturne baštine;
- prevođenje književnih, stručnih i naučnih tekstova;
- naučnoistraživački i stručni rad u kulturi;
- teorijsko-kritički rad u kulturi;
- menadžment u kulturi;
- produkcija i organizacija kulturnih programa.

DIO ČETVRTI - NOSIOCI DJELATNOSTI U OBLASTI KULTURE

Član 14.

(Subjekti u kulturi)

Kulturnu djelatnost mogu obavljati domaća i strana fizička i pravna lica, tj. umjetnici i stručnjaci u kulturi, ustanove u kulturi, javne ustanove, udruženja, fondacije u kulturi, kao i drugi subjekti u

kulturi na način i pod uslovima propisanim zakonima kojima se uređuju pojedine kulturne djelatnosti i ovim zakonom.

POGLAVLJE 1. USTANOVE KULTURE

Odjeljak A. Osnivanje ustanove

Član 15.

(Zajedničke odredbe - djelatnost ustanove)

- (1) Ustanova kulture (u daljem tekstu: ustanova) je neprofitna organizacija koja je osnovana za obavljanje djelatnosti kulture.
- (2) Pored djelatnosti kulture, ustanova može obavljati i drugu djelatnost koja je od značaja za ostvarivanje djelatnosti za koju je osnovana.

Član 16.

(Status ustanove)

Ustanova je pravno lice koje samostalno obavlja djelatnost za koju je osnovana, na način i pod uslovima utvrđenim zakonom, aktom o osnivanju i pravilima ustanove.

Član 17.

(Osnivanje javne ustanove)

- (1) Javnu ustanovu može osnovati Kanton, Grad i općina.
- (2) Ustanovu u privatnoj svojini može osnovati domaće i strano pravno ili fizičko lice (u daljem tekstu: osnivač) uz prethodno pribavljeno mišljenje Ministarstva o ispunjenosti uslova utvrđenih ovim zakonom i posebnim zakonom kojim se uređuje obavljanje određene djelatnosti iz oblasti kulture.
- (3) Ako ustanovu osniva više subjekata iz stava (1) ili (2) ovog člana, međusobna prava i obaveze osnivača uređuju se ugovorom.
- (4) Osnivač ustanove obezbjeđuje sredstva potrebna za njeno osnivanje i početak rada.

Član 18.

(Uslovi za osnivanje i početak rada ustanove)

- (1) Osnivač ustanove je dužan da obezbijedi uslove za osnivanje i početak rada ustanove i to:
 - a) odgovarajući objekat;
 - b) stručne kadrove;
 - c) opremu;
 - d) finansijska sredstva za početak rada.
- (2) Nakon što je osnivač obezbijedio uslove iz stava (1) ovog člana, dostavlja inicijativu i Elaborat o opravdanosti osnivanja ustanove (u daljem tekstu: Elaborat) Ministarstvu na razmatranje i dalje postupanje.
- (3) Elaborat sadrži, naročito:
 - a) ciljeve i zadatke radi kojih se ustanova osniva;
 - b) obrazloženje potreba za obavljanjem djelatnosti ustanove;
 - c) program obavljanja djelatnosti ustanove;
 - d) namjere o obavljanju drugih djelatnosti;
 - e) ukupan iznos sredstava potreban za osnivanje i rad ustanove;
 - f) način obezbjeđenja sredstava i drugih uslova za rad ustanove;
 - g) ispunjavanje standarda za prostorne i tehničke uslove za rad ustanove;
 - h) koncepciju razvoja ustanove.

Član 19.

(Akt o osnivanju ustanove)

- (1) Osnivač donosi akt o osnivanju ustanove, koji sadrži:
 - a) naziv osnivača;
 - b) naziv i sjedište ustanove,
 - c) djelatnost ustanove,
 - d) iznos sredstava za osnivanje i početak rada ustanove i način obezbjeđivanja sredstava za obavljanje djelatnosti ustanove;
 - e) prava i obaveze osnivača prema ustanovi i ustanove prema osnivaču;
 - f) sastav i način imenovanja organa upravljanja ustanove;
 - g) organ rukovođenja ustanovom;
 - h) rok za imenovanje organa upravljanja i organa rukovođenja, donošenje pravila i upis ustanove u nadležni Sudski registar;
 - i) lice koje će privremeno vršiti dužnost direktora ustanove.
- (2) Osnivač, osim Skupštine, dužan je da Ministarstvu dostavi akt o osnivanju ustanove u roku od 15 dana od dana donošenja akta.

Odjeljak B. Upis ustanove u Registar ustanova kulture

Član 20.

(Upis u Registar ustanova kulture i brisanje iz Registra)

- (1) Osim upisa u sudski registar, ustanova kulture upisuje se u Registar ustanova kulture Kantona (u daljem tekstu: Registar).
- (2) Ministarstvo vodi Registar ustanova koje ispunjavaju uslove iz člana 18. ovog zakona.
- (3) Bliži propis o sadržaju i obliku Registra te o načinu vođenja Registra, kao i o postupku upisa u Registar i brisanja iz Registra donosi ministar nadležan za kulturu i sport u Kantonu (u daljem tekstu: ministar).

Član 21.

(Upis u Registar)

- (1) U Registar se upisuje na osnovu prijave ustanove.
- (2) Rješenje o upisu ustanove u Registar donosi ministar.
- (3) Rješenje iz stava (2) ovoga člana donosi se na prijedlog stručne komisije, koju imenuje ministar.

Član 22.

(Pravo obavljanja djelatnosti)

Upisom u Registar, ustanova stiče pravo obavljanja kulturne djelatnosti u skladu sa ovim zakonom i drugim propisima.

Član 23.

(Svojstvo pravnog lica)

- (1) Ustanova stiče svojstvo pravnog lica danom upisa u Registar nadležnog suda.
- (2) Dijelovi ustanove nemaju svojstvo pravnog lica.

Odjeljak C. Opšti akti ustanove

Član 24.

(Pravila ustanove)

- (1) Pravila ustanove sadrže: naziv, sjedište i adresu ustanove; djelatnost ustanove; djelokrug rada organa upravljanja i rukovođenja i nadzora; uslove i postupak za izbor i razrješenje

direktora, upravnog i nadzornog odbora kao i umjetničkog savjeta ili drugog stručnog tijela ustanove; opšte akte ustanove i način njihovog donošenja; finansiranje rada; način utvrđivanja kandidata iz reda zaposlenih za imenovanje članova organa upravljanja i nadzora, način utvrđivanja prijedloga za razrješenje člana organa upravljanja i nadzora iz reda zaposlenih, javnost rada i druga pitanja od značaja za rad ustanove.

- (2) Saglasnost na pravila ustanove daje osnivač.
- (3) Pored pravila, ustanova ima pravilnik o unutrašnjoj organizaciji i sistematizaciji, pravilnik o finansijskom polovanju ustanove, pravilnik o plaćama i drugim naknadama, a može da ima pravilnik o radu ustanove i druge pravilnike određene ovim i drugim zakonima.

Odjeljak D. Upravljanje, rukovođenje i nadzor nad radom ustanove

Član 25.

(Upravljanje ustanovom)

- (1) Organi rukovođenja, upravljanja i nadzora u ustanovi su direktor, upravni odbor i nadzorni odbor.
- (2) Opšti i posebni uslovi za imenovanje i razrješenje članova upravnog odbora utvrđuju se u skladu sa zakonom kojim se uređuje određena djelatnost kulture, ovim zakonom, osnivačkim aktom, Odlukom Vlade kojom se uređuju standardi i kriteriji za imenovanje na poziciju predsjednika i članova upravnog i nadzornog odbora javnih ustanova iz nadležnosti Ministarstva i pravilima ustanove.
- (3) Opšti i posebni uslovi za imenovanje i razrješenje direktora utvrđuju se u skladu sa zakonom kojim se uređuje određena djelatnost kulture, ovim zakonom, osnivačkim aktom i pravilima ustanove.

Pododjeljak a) Upravni odbor

Član 26.

(Upravni odbor)

- (1) Ustanovom upravlja upravni odbor.
- (2) Upravni odbor ustanove:
 - a) donosi pravila ustanove;
 - b) utvrđuje poslovnu politiku i programsku koncepciju razvoja ustanove;
 - c) donosi program rada ustanove;
 - d) donosi finansijski plan ustanove;
 - e) usvaja umjetnički program i pravila ostvarivanja umjetničkog programa ustanove;
 - f) donosi akt o unutrašnjoj organizaciji i sistematizaciji poslova u ustanovi i druge opšte akte ustanove u skladu sa zakonom i pravilima ustanove;
 - g) imenuje i razrješava direktora ustanove;
 - h) usvaja izvještaje o radu i izvještaje o finansijskom poslovanju ustanove i podnosi ih osnivaču najmanje jednom godišnje;
 - i) određuje cijene usluga koje pruža ustanova;
 - j) predlaže osnivaču statusne promjene ustanove;
 - k) odlučuje o svim pitanjima obavljanja djelatnosti radi kojih je ustanova osnovana ako zakonom nije određeno da o određenim pitanjima odlučuje drugi organ ustanove;
 - l) odlučuje o prigovoru radnika na rješenje kojim je drugi organ određen pravilima ustanove odlučio o pravu obavezi i odgovornosti radnika iz radnog odnosa i po osnovu radnog odnosa, kao i o svim drugim prigovorima i žalbama protiv rješenja i odluka koje je u prvom stepenu donio direktor ili drugi organ ustanove;
 - m) donosi poslovnik o radu;
 - n) vrši i druge poslove u skladu sa zakonom, statutom i drugim opštim aktima ustanove.
- (3) Posebnim zakonom se mogu bliže odrediti pitanja iz stava (2) ovog člana.

Član 27.

(Sastav upravnog odbora ustanove)

- (1) Upravni odbor ustanove ima predsjednika i najmanje dva člana.
- (2) Broj članova upravnog odbora se određuje osnivačkim aktom.
- (3) Jedan član upravnog odbora ustanove imenuje se iz reda zaposlenih.

Član 28.

(Imenovanje i razrješenje predsjednika i člana upravnog odbora ustanove)

- (1) Predsjednika i članove upravnog odbora ustanove imenuje i razrješava osnivač.
- (2) Predsjednik i članovi upravnog odbora imenuju se na četiri godine i mogu biti ponovo imenovani.
- (3) Predsjednik i član upravnog odbora ustanove može biti razriješen prije isteka mandata, ako:
 - a) podnese ostavku;
 - b) postupa suprotno zakonu ili pravilima ustanove;
 - c) ne vrši dužnost duže od tri mjeseca;
 - d) je pravosnažno osuđen na bezuslovnu kaznu zatvora;
- (4) Prijedlog za prijevremeno razrješenje predsjednika i članova upravnog odbora može dati osnivač.

Pododjeljak b) Nadzorni odbor ustanove

Član 29.

(Nadzorni odbor ustanove)

- (1) Nadzorni odbor ustanove ima tri člana.
- (2) Predsjednika i članove nadzornog odbora ustanove imenuje i razrješava osnivač.
- (3) Najmanje jedan član nadzornog odbora imenuje se iz reda stručnih radnika zaposlenih u ustanovi.
- (4) Predsjednik i članovi nadzornog odbora imenuju se za vrijeme od četiri godine i mogu biti ponovo imenovani.
- (5) Nadzorni odbor:
 - a) analizira izvještaje o poslovanju ustanove;
 - b) vrši nadzor nad upotrebom sredstava za rad, pregleda godišnji izvještaj o poslovanju i godišnji obračun;
 - c) pregleda i provjerava urednost i zakonitost vođenja poslovnih knjiga;
 - d) izvještava osnivača, upravni odbor i direktora o rezultatima nadzora.

Član 30.

(Razlozi za razrješenje predsjednika i člana nadzornog odbora ustanove)

Predsjednik i član nadzornog odbora ustanove, pored razloga iz člana 29. stav (3) ovog zakona, mogu biti razriješeni prije isteka mandata na koji su imenovani ukoliko:

- a) ne vrše ili neuredno vrše dužnosti iz člana 30. stav (5) ovog zakona,
- b) dužnost ne vrše na način propisan osnivačkim aktom i pravilima, kao i
- c) u slučaju ako ne štite javni interes.

Pododjeljak c) Direktor ustanove

Član 31.

(Direktor ustanove)

- (1) Ustanovom rukovodi direktor, ako zakonom nije drukčije određeno.
- (2) Direktor ustanove:

- a) predlaže pravila ustanove;
- b) organizuje rad i vodi poslovanje ustanove;
- c) predstavlja i zastupa ustanovu;
- d) predlaže poslovnu politiku i programsku koncepciju razvoja ustanove;
- e) predlaže akt o unutrašnjoj organizaciji i sistematizaciji poslova u ustanovi i druge opšte akte koje donosi upravni odbor;
- f) predlaže program rada i finansijski plan ustanove;
- g) podnosi upravnom odboru ustanove i osnivaču izvještaj o radu i izvještaj o finansijskom poslovanju;
- h) stara se o obezbjeđivanju uslova i sredstava za ostvarivanje programa rada ustanove, kao i o utrošku sredstava za izvršavanje programa rada u okviru svojih ovlaštenja;
- i) izvršava odluke upravnog odbora ustanove;
- j) donosi opće akte koji nisu u nadležnosti upravnog odbora ustanove;
- k) odgovoran je za zakonitost rada ustanove;
- l) odlučuje o angažovanju finansijskih sredstava do iznosa utvrđenog pravilima ustanove;
- m) u skladu sa zakonom, do odluke nadležnog organa, obustavlja od izvršenja odluke upravnog odbora ustanove za koje smatra da su nezakonite;
- n) postavlja i razrješava rukovodioce unutrašnjih organizacionih jedinica ustanove;
- o) odlučuje o zasnivanju i prestanku radnog odnosa u ustanovi;
- p) vrši i druge poslove u skladu sa zakonom, statutom ustanove i drugim općim aktima.

Član 32.

(Izbor direktora ustanove)

Direktor ustanove bira se na osnovu javnog konkursa, na period od četiri godine, u skladu sa pravilima ustanove.

Član 33.

(Razrješenje direktora ustanove)

Direktor ustanove može biti razriješen prije isteka mandata, ako:

- a) podnese ostavku;
- b) ne sprovodi odluke upravnog odbora ustanove;
- c) ispuni neki od uslova propisanih zakonom za prestanak radnog odnosa po sili zakona;
- d) je pravosnažno osuđen na bezuslovnu kaznu zatvora;
- e) postupa suprotno zakonu, pravilima i opštim aktima ustanove;
- f) ne obezbjeđuje zakonit rad ustanove;
- g) bez opravdanog razloga ne ostvari programske sadržaje i ciljeve;
- h) nesavjesno i negativno finansijski posluje;
- i) upravni odbor ustanove ili osnivač ne usvoji program rada ili izvještaj o radu i finansijskom poslovanju ustanove.

Pododjeljak d) Umjetnički savjet ustanove

Član 34.

(Umjetnički savjet ustanove)

- (1) Ustanove iz oblasti kulturno-umjetničkog stvaralaštva obrazuju umjetnički savjet kao savjetodavno tijelo koje prati ostvarivanje programa rada ustanove iz oblasti kulturno-umjetničkog stvaralaštva.

- (2) Umjetnički savjet sačinjavaju istaknuti umjetnici i drugi stvaraoci iz oblasti umjetnosti i kulture.
- (3) Broj članova umjetničkog savjeta, postupak i način imenovanja, prava, obaveze i odgovornosti umjetničkog savjeta bliže se uređuju pravilima ustanove.

Član 35.

(Djelokrug umjetničkog savjeta)

Umjetnički savjet, naročito:

- a) razmatra predloženu umjetničku koncepciju koju je kreirao direktor ustanove;
- b) razmatra predloženi godišnji repertoarski plan i estetski ga vrednuje;
- c) prihvata plan gostovanja i učestvovanja na festivalima koje predlaže direktor ustanove,
- d) daje mišljenje u vezi sticanja umjetničkih zvanja i napredovanja umjetnika u skladu sa posebnim zakonom i opštim aktima ustanove (svojim mišljenjem umjetnički verifikuje prijedlog direktora).

Pododjeljak e) Umjetnički direktor ustanove

Član 36.

(Imenovanje, razrješenje i djelokrug rada umjetničkog direktora)

- (1) Umjetnički direktor se bira na osnovu javnog konkursa koji raspisuje direktor ustanove, na period od četiri godine. Uslovi za izbor umjetničkog direktora ustanove utvrđuju se pravilima ustanove.
- (2) Umjetnički direktor ustanove:
 - a) predlaže programsku koncepciju razvoja ustanove;
 - b) predlaže umjetnički program ustanove i pravila ostvarivanja umjetničkog programa ustanove;
 - c) predlaže tehničko-tehnološko opremanje ustanove neophodno za ostvarivanje umjetničkog programa;
 - d) rukovodi organizacionom jedinicom i zaposlenim koji izvode umjetničke programe u ustanovi;
 - e) predlaže finansijske planove namijenjene za programske aktivnosti u ustanovi;
 - f) odlučuje o angažovanju zaposlenih i saradnika na realizaciji umjetničkog programa u ustanovi.
- (3) Umjetnički direktor može biti razriješen prije isteka mandata, ako:
 - a) podnese ostavku;
 - b) bez opravdanog razloga ne realizuje utvrđeni umjetnički program;
 - c) ispuni neki od uslova za prestanak radnog odnosa po sili zakona;
 - d) je pravosnažno osuđen na bezuslovnu kaznu zatvora.
- (4) U slučaju razrješenja umjetničkog direktora ustanove prije isteka mandata, poslove umjetničkog direktora obavlja stručno lice zaposleno u ustanovi najduže do šest mjeseci.

Pododjeljak f) Obaveze osnivača i ustanove

Član 37.

(Obaveze osnivača)

- (1) Osnivač je dužan da redovno obezbjeđuje sredstva za rad ustanove.
- (2) Sredstva iz stava (1) ovog člana obuhvataju: sredstva za plaće i ostala primanja zaposlenih, materijalne troškove, održavanje i osiguravanje objekata i opreme, tehničko-tehnološko opremanje za realizaciju programskih aktivnosti ustanove.

- (3) Sredstva iz stava (2) ovog člana obezbjeđuju se na osnovu godišnjeg programa rada ustanove.

Član 38.

(Obaveze ustanove)

- (1) Ustanova je dužna da obavlja djelatnost za koju je osnovana, namjenski koristi sredstva za rad i da osnivaču, najkasnije do kraja marta tekuće godine, podnese izvještaj o radu sa izvještajem o finansijskom poslovanju za prethodnu godinu i program rada sa finansijskim planom za tekuću godinu.
- (2) Na zahtjev osnivača ustanova je dužna podnijeti izvještaj o radu i finansijskom poslovanju u roku koji odredi osnivač.
- (3) Izvještaji iz st. (1) i (2) ovog člana dostavljaju se Ministarstvu, radi kontrole rada ustanove, formiranja baze podataka i sačinjavanja statističkih izvještaja.

Pododjeljak g) Prihodi ustanove

Član 39.

(Sopstveni prihodi ustanove)

- (1) Ustanova može ostvarivati prihode vršenjem djelatnosti za koju je osnovana.
- (2) Sopstvene prihode ustanova je dužna da koristi za pokriće troškova nastalih obavljanjem poslova kojima je prihod ostvaren i za unapređenje djelatnosti ustanove.
- (3) Pod unapređenjem djelatnosti ustanove smatra se:
- ulaganje u prostor, opremu i druga sredstva potrebna za obavljanje djelatnosti;
 - stručno usavršavanje i osposobljavanje zaposlenih;
 - poboljšanje uslova rada;
 - učesće u međunarodnim projektima i aktivnostima i
 - medijska promocija ustanove.

Član 40.

(Donacije i druge pomoći)

Ustanova je dužna da sredstva donacije i druge pomoći koristi u skladu sa namjenom koju odredi donator, odnosno davalac pomoći. Donacije i pomoći kojima nije određena namjena koriste se za ostvarivanje programskih aktivnosti ustanove.

Pododjeljak h) Statusne promjene, nadzor i prestanak ustanove

Član 41.

(Statusne promjene)

- (1) Osnivač može promijeniti status ustanove (spajanje ustanova u posebnu ustanovu, pripajanje jedne ili više ustanova drugoj ustanovi, podjela ustanove na dva ili više subjekata, i promjena oblika subjekta upisa), po postupku propisanom za osnivanje ustanove, ako posebnim zakonom nije drukčije određeno.
- (2) Promjena naziva, djelatnosti i sjedišta ustanove vrši se osnivačkim aktom ustanove.

Član 42.

(Nadzor nad zakonitošću rada ustanove)

Nadzor nad zakonitošću rada ustanove obavlja Ministarstvo.

Član 43.

(Razlozi i način prestanka rada ustanove)

- (1) Ustanova prestaje sa radom, ako:
 - a) ne ispunjava propisane uslove za obavljanje djelatnosti;
 - b) je pravosnažnom sudskom odlukom utvrđena ništavost upisa u Registar;
 - c) ne obavlja djelatnost zbog koje je osnovana;
 - d) je nastupio drugi slučaj utvrđen zakonom ili aktom o osnivanju.
- (2) Kada Ministarstvo utvrdi da ustanova ne ispunjava propisane uslove za obavljanje djelatnosti za koju je osnovana, odredit će rok u kojem je ustanova dužna da obezbijedi potrebne uslove i o tome obavještava osnivača. Ako ustanova ne ispuni potrebne uslove u određenom roku, Ministarstvo će donijeti rješenje kojim će zabraniti rad i obavljanje djelatnosti ustanovi.
- (3) Kada organ koji vrši nadzor nad radom ustanove utvrdi da ustanova ne obavlja djelatnost za koju je osnovana duže od 90 dana, naložit će joj da u roku od 15 dana nastavi sa obavljanjem djelatnosti i o tome će obavijestiti Ministarstvo, ako ono ne vrši nadzor.
- (4) Ako ustanova ne postupi po nalogu organa iz stava (3) ovog člana, organ koji vrši nadzor pokrenut će postupak za brisanje ustanove iz Registra.
- (5) Ministarstvo je obvezno utvrditi, najmanje jedanput u dvije godine, ispunjava li ustanova uslove za osnivanje i početak rada iz člana 18. ovoga zakona. Ako ustanova ne ispunjava uslove iz člana 18. Ministarstvo će postupiti na način iz stava (2) ovog člana.
- (6) Protiv Rješenja iz stava (2) dopuštena je žalba ministru u roku od 15 dana od dana njegovog prijema.

Član 44.

(Akt o prestanku rada ustanove)

Akt o prestanku rada ustanove donosi osnivač.

POGLAVLJE II. JAVNA USTANOVA

Odjeljak A. Osnivanje javne ustanove

Član 45.

(Osnivanje javne ustanove)

- (1) Ustanova čiji je osnivač Kanton, Grad ili općina osniva se kao javna ustanova.
- (2) Javna ustanova može se osnovati radi obavljanja jedne ili više djelatnosti kulture.
- (3) Na javnu ustanovu odnose se odredbe o ustanovi, ako ovim zakonom nije drukčije određeno.

Član 46.

(Elaborat o osnivanju javne ustanove)

Elaborat o osnivanju javne ustanove, pored elemenata iz člana 18. stav (3) ovog zakona, treba da sadrži i razloge da se potrebe za vršenjem djelatnosti za koju se javna ustanova osniva ne mogu zadovoljiti u postojećim javnim ustanovama.

Član 47.

(Akt o osnivanju javne ustanove)

Akt o osnivanju javne ustanove, čiji je osnivač Kanton Sarajevo, donosi Skupština Kantona Sarajevo, a za javne ustanove čiji je osnivač Grad ili općina, donosi gradsko odnosno općinsko vijeće.

Odjeljak A. Upravljanje, rukovođenje i nadzor nad radom javne ustanove

Član 48.

(Organi upravljanja, rukovođenja i nadzora u javnim ustanovama)

- (1) Organ upravljanja u javnoj ustanovi je upravni odbor.
- (2) Organ rukovođenja u javnoj ustanovi je direktor.
- (3) Organ kontrole poslovanja u javnoj ustanovi je nadzorni odbor.

Pododjeljak a) Upravni odbor javne ustanove

Član 49.

(Upravni odbor javne ustanove)

- (1) Upravni odbor javne ustanove ima predsjednika i četiri člana, od kojih je jedan iz reda zaposlenih u javnoj ustanovi.
- (2) Za člana upravnog odbora javne ustanove, čiji je osnivač Kanton, Grad ili općina, osim člana upravnog odbora iz reda zaposlenih, imenuje se i afirmisani stvaralac ili afirmisani stručnjak iz oblasti koja je od značaja za razvoj kulture.
- (3) Direktor ustanove ne može biti član upravnog odbora.
- (4) Upravni odbor:
 - a) donosi pravila ustanove;
 - b) imenuje i razrješava direktora;
 - c) utvrđuje planove rada i razvoja;
 - d) utvrđuje godišnji program rada;
 - e) donosi finansijski plan i usvaja godišnji obračun;
 - f) donosi opšti akt o unutrašnjoj organizaciji i sistematizaciji poslova i druge opšte akte u skladu sa zakonom i pravilima ustanove;
 - g) odlučuje o svim pitanjima obavljanja djelatnosti radi koji je ustanova osnovana, ako zakonom nije određeno da o određenim pitanjima odlučuje drugi organ ustanove;
 - h) usmjerava, kontroliše i ocjenjuje rad direktora;
 - i) rješava sva pitanja odnosa sa osnivačem;
 - j) odlučuje o korištenju sredstava preko iznosa utvrđenog pravilima ustanove;
 - k) odgovara osnivaču za rezultate rada ustanove;
 - l) odlučuje o prigovoru radnika na rješenje kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa, kao i o svim drugim prigovorima i žalbama protiv Rješenja i odluka koje je u prvom stepenu donio direktor ili drugi organ ustanove;
 - m) podnosi osnivaču najmanje jedanput godišnje izvještaj o poslovanju ustanove.
- (5) Zakonom se mogu bliže odrediti pitanja iz stava (4) tačka g).
- (6) Pored poslova iz stava (4) ovog člana, Upravni odbor ustanove:
 - a) predlaže osnivaču kulturnu politiku i programsku koncepciju razvoja ustanove;
 - b) usvaja umjetnički program i pravila ostvarivanja umjetničkog programa ustanove;
 - c) određuje cijene usluga koje pruža ustanova uz prethodnu saglasnost osnivača;
 - d) predlaže osnivaču statusne promjene ustanove;
 - e) donosi poslovnik o svom radu;
 - f) vrši i druge poslove u skladu sa zakonom, pravilima i drugim opštim aktima ustanove.

Član 50.

(Odlučivanje Upravnog odbora)

Upravni odbor donosi odluke većinom glasova svih članova, ako zakonom ili pravilima za odlučivanje o pojedinim pitanjima nije određena druga kvalifikovana većina.

Član 51.

(Imenovanje i razrješenje upravnog odbora javne ustanove)

- (1) Predsjednika i članove upravnog odbora javne ustanove, čiji je osnivač Kanton Sarajevo, imenuje i razrješava Vlada, na prijedlog Ministarstva.
- (2) Predsjednika i članove upravnog odbora javne ustanove, čiji je osnivač Grad ili općina, imenuje i razrješava nadležni izvršni organ Grada ili općine.
- (3) Predsjednik i članovi upravnog odbora imenuju se na osnovu javnog konkursa za period od četiri godine i mogu biti ponovo imenovani.
- (4) U slučaju da je javna ustanova iz bilo kojeg razloga ostala bez upravnog odbora, Vlada će imenovati vršioce dužnosti predsjednika i članova upravnog odbora na period do imenovanja upravnog odbora, a najduže na tri mjeseca.

Član 52.

(Razlozi za razrješenje predsjednika i člana upravnog odbora javne ustanove)

Predsjednik i član upravnog odbora javne ustanove, pored razloga iz člana 28. ovog zakona, može biti razriješen i prije isteka mandata na koji je imenovan:

- a) na način propisan osnivačkim aktom i pravilima i
- b) u slučaju ako ne štiti javni interes.

Pododjeljak b) Nadzorni odbor javne ustanove

Član 53.

(Nadzorni odbor javne ustanove)

- (1) Nadzorni odbor javne ustanove ima tri člana.
- (2) Predsjednika i članove nadzornog odbora javne ustanove imenuje i razrješava Vlada Kantona Sarajevo, odnosno nadležni izvršni organ Grada ili općine.
- (3) Jedan član Nadzornog odbora imenuje se iz reda stručnih radnika zaposlenih u javnoj ustanovi.
- (4) Predsjednik i članovi nadzornog odbora imenuju se za vrijeme od četiri godine i mogu biti ponovo imenovani.
- (5) Nadzorni odbor:
 - a) analizira izvještaje o poslovanju javne ustanove;
 - b) vrši nadzor nad upotrebom sredstava za rad, pregleda godišnji izvještaj o poslovanju i godišnji obračun;
 - c) pregleda i provjerava urednost i zakonitost vođenja poslovnih knjiga;
 - d) izvještava osnivača, upravni odbor i direktora o rezultatima nadzora.

Član 54.

(Razlozi za razrješenje predsjednika i člana nadzornog odbora javne ustanove)

Predsjednik i član nadzornog odbora javne ustanove, pored razloga iz člana 30. ovog zakona, može biti razriješen i prije isteka mandata na koji je imenovan:

- a) na način propisan osnivačkim aktom i pravilima i
- b) u slučaju ako ne štiti javni interes.

Pododjeljak c) Umjetnički savjet i drugi stručni organ

Član 55.

(Umjetnički savjet i drugi stručni organ)

Javna ustanova može imati umjetnički savjet, stručni kolegij ili drugi organ, u skladu sa zakonom i pravilima javne ustanove.

Pododjeljak d) direktor javne ustanove

Član 56.

(Rukovođenje javnom ustanovom)

- (1) Javnom ustanovom rukovodi direktor.
- (2) Direktora javne ustanove imenuje upravni odbor na osnovu javnog konkursa koji se objavljuje u Službenim novinama Federacije Bosne i Hercegovine, najmanje jednom dnevnom listu koji izlazi u većem tiražu na području Kantona i na web stranicama Kantona i javne ustanove čiji se direktor bira, uz saglasnost Vlade, odnosno nadležnog izvršnog organa Grada ili općine.
- (3) Lice kome je uskraćena saglasnost za izbor i imenovanje na poziciju direktora od strane Vlade, odnosno nadležnog izvršnog organa Grada ili općine, ne može na ponovnom konkursu biti imenovano za direktora, niti se može imenovati za vršioca dužnosti direktora.
- (4) Ako se ne izvrši imenovanje direktora javne ustanove, upravni odbor imenuje vršioca dužnosti direktora.
- (5) Uslovi za imenovanje direktora utvrđuju se ovim zakonom i pravilima ustanove.

Član 57.

(Odluka o imenovanju direktora)

- (1) Odluka o imenovanju direktora je konačna nakon što Vlada odnosno nadležni izvršni organ Grada ili općine da na nju svoju saglasnost.
- (2) Odluka Vlade iz stava (1) ovog člana je konačna.
- (3) O odluci o imenovanju direktora obavještavaju se učesnici u konkursu u roku od osam dana njenog donošenja.
- (4) Protiv odluke o imenovanju direktora nezadovoljni kandidat u roku od osam dana od dana prijema obavještenja, može pokrenuti postupak pred nadležnim sudom.

Član 58.

(Imenovanje vršioca dužnosti direktora)

- (1) Ako direktor nije imenovan, upravni odbor će bez konkursa imenovati vršioca dužnosti direktora iz reda stručnih radnika zaposlenih u ustanovi.
- (2) Vršilac dužnosti direktora ima sva prava i dužnosti direktora.
- (3) Vršilac dužnosti direktora može rukovoditi javnom ustanovom do imenovanja direktora, a najduže šest mjeseci od dana njegovog imenovanja.

Član 59.

(Prava i dužnosti direktora)

- (1) Direktor organizuje i rukovodi radom ustanove, zastupa i predstavlja ustanovu prema trećim licima i odgovoran je za zakonitost rada ustanove.
- (2) U ostvarivanju rukovođenja ustanovom, direktor predlaže upravnom odboru mjere za efikasno i zakonito obavljanje djelatnosti radi kojih je ustanova osnovana, unutrašnju organizaciju i sistematizaciju poslova i osnove planova rada i razvoja, izvršava odluke upravnog odbora, odlučuje o pravima, obavezama i odgovornostima radnika iz radnog odnosa, podnosi upravnom odboru izvještaj o radu i finansijskom poslovanju, godišnji program rada sa finansijskim planom i vrši druge poslove u skladu sa zakonom i pravilima ustanove.

- (3) Direktor je dužan da obustavi od izvršenja opšti akt koji je u nesaglasnosti sa ustavom ili u suprotnosti sa zakonom, kao i pojedinačni akt kojim se nanosi šteta ustanovi ili društvenoj zajednici i da o tome obavijesti organ uprave koji vrši nadzor nad zakonitosti rada ustanove.
- (4) Direktor je odgovoran upravnom odboru za rezultate rada i finansijsko poslovanje ustanove.

Član 60.

(Slučajevi prijevremenog razrješenja direktora)

- (1) Upravni odbor može razriješiti direktora i prije vremena za koje je im
 - a) ako se utvrdi da je odgovoran za neuspješan ili nezakonit rad ustanove;
 - b) na lični zahtjev direktora;
 - c) u drugim slučajevima utvrđenim zakonom i pravilima ustanove.
- (2) Prijedlog za prijevremeno razrješenje direktora iz razloga iz alineje 1) stava (1) ovog člana može dati osnivač, odnosno Vlada, općnsko ili gradsko vijeće, predsjednik odnosno član upravnog odbora ili nadzorni odbor.

Pododjeljak e) Umjetnički direktor javne ustanove

Član 61.

(Imenovanje i razrješenje i djelokrug rada umjetničkog direktora)

- (1) Umjetnički direktor se bira na osnovu javnog konkursa koji raspisuje direktor ustanove, na period od četiri godine.
- (2) Uslovi za izbor umjetničkog direktora javne ustanove ili organizacione jedinice javne ustanove utvrđuju se pravilima te ustanove.
- (3) Umjetnički direktor javne ustanove:
 - a) predlaže programsku koncepciju razvoja ustanove;
 - b) predlaže umjetnički program ustanove i pravila ostvarivanja umjetničkog programa ustanove;
 - c) predlaže tehničko-tehnološko opremanje ustanove neophodno za ostvarivanje umjetničkog programa;
 - d) rukovodi organizacionim jedinicama i zaposlenima koji izvode umjetničke programe u ustanovi;
 - e) predlaže finansijske planove namijenjene za programske aktivnosti u ustanovi;
 - f) predlaže angažovanje zaposlenih i saradnika na realizaciji umjetničkog programa u ustanovi.
- (4) Umjetnički direktor može biti razriješen prije isteka mandata, ako:
 - a) podnese ostavku;
 - b) bez opravdanog razloga ne realizuje utvrđeni umjetnički program;
 - c) ispuni neki od uslova za prestanak radnog odnosa po sili zakona;
 - d) je pravosnažno osuđen na bezuslovnu kaznu zatvora.
- (5) U slučaju razrješenja umjetničkog direktora javne ustanove prije isteka mandata, poslove umjetničkog direktora obavlja direktor te ustanove.

DIO ŠESTI - OPŠTI AKTI USTANOVE

Član 62.

(Pravila ustanove)

- (1) Osnovni opšti akt ustanove odnosno obaveznog oblika udruživanja su pravila ustanove odnosno pravila obaveznog oblika udruživanja.
- (2) Pored Pravila ustanova obavezno ima i Pravilnik o unutrašnjoj organizaciji i sistematizaciji ustanove.
- (3) Pravila i Pravilnik o unutrašnjoj organizaciji i sistematizaciji stupaju na snagu dobijanjem saglasnosti Vlade odnosno gradskog ili općinskog vijeća.
- (4) Ustanova može imati i druge opšte akte, u skladu sa zakonom, kolektivnim ugovorom i pravilima ustanove.

Član 63.

(Sadržaj pravila)

- (1) Pravila ustanove sadrže odredbe o:
 - a) nazivu i sjedištu ustanove;
 - b) osnivaču ustanove;
 - c) obavezama ustanove prema osnivaču;
 - d) djelatnosti ustanove i o načinu i uslovima obavljanja te djelatnosti;
 - e) odnosu prema korisnicima usluga;
 - f) statusnim promjenama;
 - g) načinu raspoređivanja sredstava za rad;
 - h) imenovanju i razrješenju direktora;
 - i) drugim organima ustanove i njihovim pravima, obavezama, odgovornostima, uslovima i načinu njihovog izbora i razrješenja;
 - j) broju članova upravnog i nadzornog odbora
 - k) opštim aktima koji se donose u ustanovi i načinu njihovog donošenja;
 - l) licima ovlaštenim da, pored direktora, zastupaju ustanovu i njihovim ovlaštenjima i odgovornostima;
 - m) načinu ostvarivanja javnosti rada;
 - n) drugim pitanjima utvrđenim zakonom
 - o) i druge odredbe od značaja za rad ustanove i za ostvarivanje prava, obaveza i odgovornosti radnika ustanove.
- (2) Pravila obaveznog oblika udruživanja sadrže odredbe o pitanjima utvrđenim zakonom.

DIO SEDMI - SREDSTVA ZA RAD JAVNE USTANOVE I ODGOVORNOST I OBAVEZE JAVNE USTANOVE

Član 64.

(Sredstva za rad javne ustanove)

Javna ustanova stiče sredstva za rad:

- a) iz sredstava osnivača;
- b) budžeta Kantona Sarajevo, općine ili Grada;
- c) sredstava fondacija;
- d) od naknade za obavljanje intelektualnih, obrazovnih, kulturnih i drugih usluga;
- e) od ličnog učešća korisnika usluga;
- f) prodajom materijalnih dobara;
- g) iz drugih izvora pod uslovima određenim zakonom ili aktom o osnivanju javne ustanove.

Član 65.

(Višak prihoda nad rashodima)

Višak prihoda nad rashodima javna ustanova koristi za obavljanje i razvoj djelatnosti, ako aktom o osnivanju nije drugačije određeno.

Član 66.

(Odgovornost za obaveze)

- (1) Javna ustanova odgovara za svoje obaveze sredstvima sa kojima raspolaže.
- (2) Osnivač je supsidijarno odgovoran za obaveze ustanove, ako aktom o osnivanju nije drugačije određeno.
- (3) Kada je osnivač odgovoran za obaveze ustanove, dužan je:
 - a) da pokrije višak rashoda nad prihodima ustanove, u roku od 60 dana od dana usvajanja godišnjeg obračuna;
 - b) razriješi predsjednika i članove upravnog odbora, ako je ustanova u prethodnoj godini u godišnjem obračunu iskazala višak rashoda nad prihodima.
- (4) U slučaju iz stava (3) tačka b) ovog člana, upravni odbor dužan je da razriješi direktora ustanove.

DIO OSMI - UMJETNICI I STRUČNJACI U KULTURI

Član 67.

(Umjetnik)

- (1) Umjetnik je fizičko lice koje, kao autor i izvođač, stvara originalna autorska djela iz oblasti umjetnosti ili fizičko lice koje izvodi i interpretira umjetnička djela u okviru djelatnosti propisane u članu 12. ovog zakona i posebnog zakona kojim su uređene djelatnosti u oblasti umjetnosti.
- (2) Umjetniku iz stava (1) koji ispunjava posebne uslove utvrđene Zakonom o istaknutim samostalnim umjetnicima, posebnim rješenjem priznaje se status "Istaknutog samostalnog umjetnika".

Član 68.

(Stručnjak u kulturi)

Stručnjak u kulturi je fizičko lice sa odgovarajućim stepenom obrazovanja koje obavlja istraživačke, umjetničko-saradničke, teorijsko-kritičke, producerske, edukativne, specijalističke, organizatorske poslove u okviru djelatnosti propisane u članu 13. ovog zakona i posebnog zakona kojim su uređene djelatnosti u oblasti umjetnosti.

Član 69.

(Registar umjetnika i Registar stručnjaka u kulturi)

- (1) Ministarstvo, u cilju planiranja i sprovođenja kulturne politike, kao i praćenja, analiziranja i unapređenja pojedinih oblasti kulturne djelatnosti, vodi evidenciju o umjetnicima i stručnjacima u kulturi koji žive i rade na teritoriji Kantona Sarajevo.
- (2) Evidencija umjetnika, odnosno stručnjaka u kulturi vrši se upisivanjem u Registar umjetnika i Registar stručnjaka u kulturi.
- (3) Registar umjetnika i Registar stručnjaka u kulturi vodi Ministarstvo.
- (4) U registre iz stava (3) ovog člana unose se podaci:
 - a) ime i prezime;
 - b) državljanstvo;
 - c) mjesto prebivališta;
 - d) područje djelovanja u kulturi;
 - e) broj radova;
 - f) odgovarajuće zvanje (za stručnjake u kulturi);
 - g) broj pod kojim je umjetnik, odnosno stručnjak u kulturi upisan u registar.

- (5) Izmjene podataka koje su nastale nakon prvog upisa u Registar umjetnika i Registar stručnjaka u kulturi vrši se na osnovu zahtjeva umjetnika, odnosno stručnjaka u kulturi.
- (6) Brisanje iz Registra umjetnika i Registra stručnjaka u kulturi vrši se po službenoj dužnosti ako umjetnik ili stručnjak ne ispunjavaju uslove iz člana 67. odnosno 68. ovog zakona, kao i na osnovu ličnog zahtjeva za brisanje iz evidencije.
- (7) Ministar donosi Pravilnik o kriterijima, načinu sticanja statusa i o postupku vođenja Registra umjetnika i Registra stručnjaka u kulturi.

Član 70.

(Uslovi za upis u Registar umjetnika)

- (1) Fizičko lice može biti upisano u Registar umjetnika ako ispunjava opšte i posebne uslove.
- (2) Opšti uslovi koje je fizičko lice dužno da ispunjava prilikom upisa u Registar umjetnika su:
 - a) da je državljanin Bosne i Hercegovine;
 - b) da ima prebivalište u Kantonu Sarajevo posljednje tri godine;
 - c) da se najmanje pet godina bavi umjetničkom djelatnošću, nezavisno od stečenog obrazovanja.
- (3) Posebni uslovi koje fizičko lice treba da ispunjava za upis u Registar umjetnika su:
 - a) kontinuitet obavljanja umjetničke djelatnosti;
 - b) dostupnost, odnosno javno objavljeno umjetničko djelo.

Član 71.

(Uslovi za upis u Registar stručnjaka u kulturi)

- (1) Fizičko lice može biti upisano u Registar stručnjaka u kulturi ako ispunjava opšte i posebne uslove.
- (2) Opšti uslovi za upis u Registar stručnjaka u kulturi su:
 - a) da je državljanin Bosne i Hercegovine;
 - b) da ima prebivalište u Kantonu Sarajevo posljednje tri godine;
 - c) da je stekao visoko obrazovanje odgovarajućeg obrazovnog profila i da se najmanje pet godine profesionalno bavi stručnom djelatnošću u oblasti kulture.
- (3) Posebni uslovi za upis u Registar stručnjaka u kulturi su:
 - a) kontinuitet obavljanja stručne djelatnosti u oblasti kulture;
 - b) dostupnost, odnosno javno objavljeno stručno djelo.

Član 72.

(Istaknuti samostalni umjetnik)

Istaknuti samostalni umjetnik je umjetnik kome je status istaknutog samostalnog umjetnika priznat u skladu sa odredbama posebnog zakona.

DIO DEVETI - UDRUŽIVANJE

Član 73.

(Sloboda udruživanja)

- (1) Fizičke i pravne osobe mogu se udruživati u udruženja u skladu s posebnim zakonom, s ciljem:
 - a) da u njima obavljaju kulturne djelatnosti;
 - b) da u njima udruže interese u pojedinim oblastima kulture;
 - c) da se u njima bave stručnim pitanjima iz pojedinih oblasti kulture;
 - d) da u njima obavljaju djelatnosti u oblasti kulturnoga odgoja i obrazovanja;
 - e) da u njima daju doprinos boljem odnosu prema kulturnim dobrima i prema razvoju kulturnih djelatnosti.

- (2) Udruženju u oblasti kulture, čija namjena i djelovanje prelaze ostvarenje interesa njezinih članova i koje ima značajnije djelovanje u javnome interesu u oblasti stvaranja, posredovanja i čuvanja kulturnih vrijednosti, može se povjeriti da, u okviru svoje djelatnosti, ima i javna ovlaštenja.
- (3) Javna ovlaštenja se povjeravaju udruženju posebnim zakonom.

Član 74.

(Povjeravanje javnih ovlaštenja)

Povjeravanje javnih ovlaštenja udruženju u oblasti kulture iz člana 73. stav (3) ovoga zakona obavlja se u skladu sa odredbama zakona kojim se uređuje organizacija organa uprave.

Član 75.

(Zadužbina u kulturi)

- (1) Zaduzbina u kulturi (u daljem tekstu: zaduzbina) je dobročinstvo pojedinca, grupe ljudi ili pravnih lica.
- (2) Zaduzbina nastaje individualnom voljom osnivača da cjelokupnom svojom imovinom, ili dijelom imovine, sačuva uspomenu na sebe ili svoje djelo, tako što će se osnivanjem zaduzbine ta sredstva koristiti za razvoj i podsticanje određenih vidova stvaralaštva u kulturi.
- (3) Zaduzbinu u kulturi može osnovati poslovno sposobno domaće ili strano, fizičko ili pravno lice, ili više domaćih ili stranih, fizičkih ili pravnih lica.

Član 76.

(Osnivački akt zaduzbine)

- (1) Zaduzbina se osniva aktom o osnivanju ili ugovorom (u daljem tekstu: osnivački akt), sastavljenim u pismenoj formi.
- (2) Osnivački akt zaduzbine sadrži:
 - a) ime i prezime, odnosno naziv i adresu, odnosno sjedište osnivača;
 - b) naziv i sjedište zaduzbine;
 - c) ciljeve osnivanja zaduzbine;
 - d) ime i prezime i adresu lica ovlaštenog za zastupanje zaduzbine;
 - e) potpis osnivača i njegov jedinstveni matični broj, odnosno pečat i potpis zastupnika pravnog lica ako je osnivač pravno lice, kao i datum donošenja osnivačkog akta.
- (3) Osnivački akt zaduzbine obavezno sadrži i podatke o osnovnoj imovini zaduzbine, uključujući i podatke ovlaštenog sudskog vještaka o procijenjenoj vrijednosti osnovne imovine ako se osnovna imovina sastoji od nepokretnosti, stvari ili prava.

Član 77.

(Način i uslovi za osnivanje zaduzbine)

- (1) Osnivač zaduzbine dostavlja inicijativu za osnivanje zaduzbine Ministarstvu na razmatranje i dalje postupanje.
- (2) Uz inicijativu iz stava (1) ovog člana prilaže se:
 - a) elaborat o opravdanosti osnivanja zaduzbine, koji sadrži:
 1. podatke o osnovnoj imovini (popis nepokretnosti, stvari i prava);
 2. ciljeve i zadatke radi kojih se zaduzbina osniva;
 3. programske aktivnosti obavljanja djelatnosti zaduzbine;
 4. namjere o obavljanju drugih djelatnosti,
 - b) odluku o osnivanju;
 - c) prijedlog statuta i
 - d) odluku o imenovanju lica ovlaštenog za zastupanje.

- (3) Nakon sprovedenog postupka, ukoliko su ispunjeni svi uslovi, Ministarstvo daje saglasnost na osnivanje zadužbine.
- (4) Zadužbina stiče svojstvo pravnog lica upisom u registar kod nadležnog suda.

Član 78.
(Naziv zadužbine)

- (1) Naziv zadužbine određuje se osnivačkim aktom i statutom i mora sadržati riječ „zadužbina“.
- (2) Zadužbina može da sadrži naziv Kantona Sarajevo ili jedinice lokalne samouprave, uz prethodnu saglasnost nadležnog organa.
- (3) Zadužbina može da sadrži ime strane države ili međunarodne organizacije, u skladu sa propisima te države, odnosno međunarodne organizacije.
- (4) Zadužbina može da sadrži ime fizičkog lica, uz njegovu saglasnost, a ako je to lice umrlo, uz saglasnost svih nasljednika prvog nasljednog reda.
- (5) Ako nema nasljednika prvog nasljednog reda, Ministarstvo cijeni, s obzirom na ciljeve i značaj zadužbine da li zadužbina može u svom nazivu imati ime ili dio imena historijske ličnosti.

Član 79.
(Registar zadužbina)

- (1) Evidentiranje zadužbine vrši se upisivanjem u Registar zadužbina u kulturi.
- (2) Registar zadužbina u kulturi na području Kantona Sarajevo vodi Ministarstvo.
- (3) U Registar zadužbina u kulturi unose se podaci:
- a) ime i prezime, odnosno naziv i adresa, odnosno sjedište osnivača;
 - b) naziv i sjedište zadužbine;
 - c) ciljevi osnivanja;
 - d) područje djelovanja u kulturi,
 - e) ime i prezime i adresa lica ovlaštenog za zastupanje zadužbine i
 - f) podaci o osnovnoj imovini zadužbine.
- (4) Ministar donosi Pravilnik o postupku vođenja Registra zadužbina u kulturi.
- (5) U Registar se prilažu svi bitni akti u originalu koji su neophodni za osnivanje zadužbine.

DIO DESETI - OSTVARIVANJE KULTURNE POLITIKE

Član 80.
(Kulturna politika)

Kulturna politika se ostvaruje utvrđivanjem kulturnih potreba i realizacijom strategije razvoja kulture, kroz postupak kreiranja, podrške i sufinansiranja programa i projekata u kulturi.

DIO JEDANAESTI - PODRŠKA RAZVOJA KULTURE

POGLAVLJE I. RAZVOJ KULTURE

Član 81.
(Sufinansiranje projekata)

- (1) Razvoj kulture se podstiče sufinansiranjem programa i projekata od značaja za ostvarivanje javnog interesa u kulturi (u daljem tekstu: projekat) sredstvima iz budžeta Kantona Sarajevo i budžeta Grada i općina.
- (2) Ministarstvo i nadležni organ gradske i općinske uprave propisuju vrstu projekata iz određenih oblasti kulture koji će se sufinansirati sredstvima iz stava (1) ovog člana.

Član 82.

(Javni poziv)

- (1) Sufinansiranje projekta vrši se na osnovu javnog poziva, koji objavljuje Ministarstvo, odnosno nadležni organ Grada ili općine.
- (2) Javni poziv za sufinansiranje projekata iz oblasti kulture, objavljuje se početkom kalendarske godine nakon usvajanja budžeta za tekuću godinu, u najmanje jednom dnevnom štampanom mediju koji izlazi u Kantonu i na web stranici Ministarstva, odnosno nadležnog organa Grada ili općine.
- (3) Javni poziv sadrži kriterije za vrijednovanje projekata.
- (4) Rok za podnošenje prijave na konkurs ne može biti kraći od 15 dana od dana objavljivanja poziva.

Član 83.

(Pravo učešća na konkursu)

Pravo učešća na konkursu imaju fizička lica koja imaju prebivalište u Kantonu Sarajevo, odnosno pravna lica koja imaju sjedište na području Kantona, a koja su registrovana u Bosni i Hercegovini za obavljanje djelatnosti kulture, osim javnih ustanova i drugih subjekata čiji se rad finansira iz budžeta Kantona, odnosno budžeta Grada i općine sredstvima planiranim za kulturu.

Član 84.

(Prijava na konkurs)

Prijava na konkurs se podnosi na obrascu koji propisuje Ministarstvo, odnosno nadležni organ Grada ili općine.

Član 85.

(Kriteriji za vrijednovanje projekata)

Ministarstvo odnosno nadležni organ Gradske uprave ili općine pravilnikom utvrđuje opće i posebne kriterije za vrijednovanje projekata iz oblasti kulture u skladu sa zakonom.

Član 86.

(Komisija za vrijednovanje projekata)

- (1) Vrednovanje projekata iz određene oblasti kulture vrši komisija koju obrazuje Ministarstvo, odnosno nadležni organ Grada ili općine.
- (2) Rješenjem o obrazovanju komisije utvrđuje se sastav, zadaci, način rada, trajanje mandata i naknada za rad članova komisije.

Član 87.

(Sprječavanje sukoba interesa)

Član komisije ne može učestvovati u vrednovanju projekta u koji je na bilo koji način uključen ili ako postoji neki od razloga predviđenih zakonom kojim se uređuje sukob interesa.

Član 88.

(Prijedlog za sufinansiranje)

- (1) Komisija, nakon vrednovanja projekata, podnosi ministru, odnosno nadležnom organu Grada ili općine obrazložen prijedlog za sufinansiranje projekata od značaja za ostvarivanje javnog interesa u kulturi.
- (2) Prijedlog iz stava (1) ovog člana sadrži:
 - a) naziv i sjedište realizatora projekta;
 - b) naziv projekta;
 - c) predviđeni iznos za sufinansiranje projekta;
 - d) budžetsku poziciju sa koje bi se projekat sufinansirao.

Član 89.

(Odluka o sufinansiranju)

- (1) Odluku o sufinansiranju projekta donosi ministar, odnosno nadležni organ Grada ili općine.
- (2) Odluka iz stava (1) ovog člana se javno saopštava i objavljuje na web stranici Ministarstva, odnosno nadležnog organa Grada ili općine.
- (3) Realizator projekta koji nije izvršio obaveze iz prethodnog ugovora o sufinansiranju ne može dobiti sredstva za sufinansiranje novog projekta.

Član 90.

(Ugovor o sufinansiranju)

- (1) Ministarstvo, odnosno nadležni organ Grada ili općine i realizator projekta, na osnovu Odluke iz člana 90. ovog zakona, zaključuju ugovor o sufinansiranju projekta, kojim uređuju međusobna prava i obaveze.
- (2) Ugovor iz stava (1) ovog člana se zaključuje u roku od 30 dana od dana objavljivanja odluke iz člana 90. ovog zakona.

Član 91.

(Upravljanje projektom)

U slučaju iz čl. 65. i 66. stav (3) ovog zakona, Ministarstvo, odnosno nadležni organ grada ili općine ima pravo da učestvuje u upravljanju projektom, kao i pravo da se dio dobiti ostvarene realizacijom projekta, srazmjerno uloženim sredstvima po osnovu sufinansiranja, u odnosu na ukupan iznos troškova realizacije projekta uplati u Budžet Kantona odnosno Grada ili općine.

Član 92.

(Namjensko korištenje sredstava)

- (1) Realizator projekta je dužan da sredstva uplaćena iz budžeta Kantona, odnosno budžeta Grada ili općine, po osnovu sufinansiranja projekata u kulturi, koristi isključivo za odobrene namjene na realizaciji projekta.
- (2) Realizator projekta, koji sredstva za sufinansiranje projekta nenamjenski koristi ili projekat ne realizuje u ugovorenom roku, dužan je da, na zahtjev Ministarstva, odnosno nadležnog organa Grada ili općine, vrati u Budžet Kantona odnosno Grada ili općine ukupan iznos uplaćenih sredstava u skladu sa propisima iz oblasti finansija.

Član 93.

(Nadzor nad izvršavanjem ugovora)

Ministarstvo, odnosno nadležni organ Grada ili općine vrši nadzor nad izvršavanjem obaveza iz ugovora o sufinansiranju projekta.

Član 94.

(Obezbjeđivanje radnog prostora)

- (1) Kanton, Grad ili općina su dužni javnim ustanovama iz oblasti kulture čiji su osnivači obezbijediti prostorije za njihov rad besplatno ili pod povoljnim uslovima.
- (2) Kanton, Grad ili općina mogu ustanovi, umjetniku i stručnjaku u kulturi obezbijediti prostorije za njihov rad pod povoljnim uslovima.
- (3) Povoljnim uslovima iz st. (1) i (2) ovog člana smatra se zakupnina i prodajna cijena poslovnog i stambenog prostora ispod prosječne tržišne cijene zakupa i prodaje poslovnog i stambenog prostora na teritoriji Kantona, Grada ili općine.
- (4) Bliže uslove, kriterijume i način obezbjeđivanja radnog prostora ustanovama, umjetnicima i stručnjacima u kulturi propisuje Vlada, na prijedlog Ministarstva odnosno nadležni organ Grada i općine.

Član 95.

(Kreativne industrije)

Kanton, Grad i općina podstiču i pomažu razvoj kreativnih industrija koje obuhvataju produkciju kulturnih proizvoda i usluga iz oblasti intelektualne svojine.

Član 96.

(Amaterizam)

- (1) Kanton, Grad i općina podstiču nekomercijalne oblike amaterskog djelovanja u kulturi, kojima se doprinosi afirmaciji bosansko-hercegovačkih izvornih kulturnih vrijednosti ili savremenog kulturno-umjetničkog stvaralaštva.
- (2) Amaterska kulturno-umjetnička društva se sufinansiraju putem svoje asocijacije.

DIO DVANAESTI - FINANSIRANJE KULTURE

Član 97.

(Izvori finansiranja)

Djelatnosti kulture se finansiraju iz:

- a) sredstava budžeta Kantona;
- b) sredstava budžeta Grada;
- c) sredstava budžeta općina;
- d) namjenskih izvora prihoda za kulturu (takse, rente i dr);
- e) donacija;
- f) sponzorstva;
- g) poklona;
- h) sopstvenih prihoda subjekata koji se bave kulturom;
- i) međunarodnih fondova;
- j) drugih izvora u skladu sa zakonom.

Član 98.

(Sredstva budžeta Kantona)

- (1) Budžetom Kantona obezbjeđuju se sredstva za kulturu.
- (2) Iz budžeta Kantona obezbjeđuju se sredstva za:
 - a) rad i funkcionisanje javnih ustanova kulture čiji je osnivač Kanton;
 - b) sufinansiranje investicionog ulaganja u ustanove kulture čiji je osnivač Kanton;
 - c) programske aktivnosti javnih ustanova kulture čiji je osnivač Kanton;
 - d) sufinansiranje ustanova kulture čiji je osnivač jedinica lokalne samouprave;
 - e) lična primanja zaposlenih u ustanovama kulture;
 - f) doprinosi za istaknute samostalne umjetnike u skladu sa važećim zakonom;
 - g) sufinansiranje programa i projekata u kulturi u skladu sa članom 81. ovog zakona;
 - h) sufinansiranje kapitalnih projekata u oblasti kulture.

Član 99.

(Sredstva budžeta Grada i općina)

Sredstva za ostvarivanje opšteg interesa u kulturi obezbjeđuju se iz budžeta Grada i općina, u skladu sa zakonom.

Član 100.

(Namjenski izvori prihoda)

Zakonom se mogu za određene djelatnosti kulture ustanoviti posebni izvori prihoda.

DIO TRINAESTI - NADZOR

Član 101.

(Nadzor nad primjenom zakona)

- (1) Upravni nadzor nad primjenom ovog zakona vrši Ministarstvo.
- (2) Stručni nadzor vrši ustanova kulture kojoj je u skladu sa posebnim zakonom povjereno vršenje nadzora.
- (3) Inspeksijski nadzor nad primjenom ovog zakona vrši Kantonalna uprava za inspeksijske poslove, posredstvom nadležnog kantonalnog inspektora.

Član 102.

(Ovlaštenja inspektora)

U postupku inspeksijskog nadzora inspektor je ovlašten da:

- a) naloži otklanjanje nedostataka nastalih neizvršavanjem ili nepravilnom primjenom ovog zakona i podzakonskih propisa i akata;
- b) naloži otklanjanje nedostataka pojedinačnih akata koji su u suprotnosti sa ovim zakonom, podzakonskim propisima i aktima donesenim na osnovu Zakona;
- c) naloži poništavanje pojedinačnih akata, ukoliko utvrdi da su doneseni suprotno odredbama ovog zakona, podzakonskim propisima i opštim aktima;
- d) naloži upravnom odboru i direktoru da poništi odluku koja je u suprotnosti sa ovim zakonom, podzakonskim propisima i drugim aktima donesenim na osnovu ovog zakona;
- e) preduzme i druge mjere i radnje za koje je ovlašćen ovim zakonom ili drugim zakonima kojim se uređuju pojedinačne djelatnosti u kulturi i zakonom kojim se uređuje inspeksijski nadzor.

DIO ČETRINAESTI - JAVNA INFRASTRUKTURA U OBLASTI KULTURE

Član 103.

(Javna infrastruktura)

- (1) Nekretnine i oprema koju koriste kantonalne javne ustanove kulture i namijenjene su za obavljanje kulturnih djelatnosti, javna su infrastruktura u oblasti kulture i vlasništvo su Kantona.
- (2) Ministarstvo vodi evidenciju o nekretninama koje čine javnu infrastrukturu u oblasti kulture na području Kantona.
- (3) Bliže propise o načinu i o postupku vođenja evidencije iz stava (2) ovog člana, koje čine javnu infrastrukturu u oblasti kulture, donosi ministar.

DIO PETNAESTI - KAZNE NE ODREDBE

Član 104.

(Kazne za prekršaj koje počini ustanova i odgovorno lice u ustanovi)

- (1) Novčanom kaznom od 1.000,00 do 5.000,00 KM kaznit će se za prekršaj ustanova koja:
 - a) u ostavljenom roku ne obezbjedi potrebne uslove iz člana 43. stav (2) ovog zakona;
 - b) u ostavljenom roku ne nastavi sa obavljanjem djelatnosti za koju je osnovana (član 43. stav (3) ovog zakona;
 - c) ako ustanova u godišnjem obračunu iskaže višak rashoda nad prihodima (član 66.) ovog zakona, (2) Novčanom kaznom od 300,00 do 1.500,00 KM kazniće se za prekršaj iz stava (1) ovog člana i odgovorno lice u ustanovi iz stava (1) ovog člana.

Član 105.

(Kazne za prekršaj koje počini fizičko lice)

Novčanom kaznom od 100,00 do 500,00 KM kazniće se fizičko lice za prekršaj i to:

- a) istaknuti samostalni umjetnik ako u poslovanju sa trećim licima uz svoje ime ne naznači: „istaknuti samostalni umjetnik” na osnovu Rješenja donesenog u skladu sa članom 67. stav (2) ovog zakona;
- b) član Komisije za vrednovanje projekata iz člana 87. ovog zakona, ako blagovremeno ne obavijesti Komisiju o postojanju razloga za njegovo izuzeće.

DIO ŠESNAESTI - PRELAZNE I ZAVRŠNE ODREDBE

Član 106.

(Donošenje strategija)

- (1) Strategija razvoja kulture Kantona Sarajevo iz člana 7. donosi se u skladu sa ovim zakonom.
- (2) Gradska i Općinske strategije razvoja kulture iz člana 8. ovog zakona donijet će se u roku od 180 dana od dana donošenja Strategije razvoja kulture Kantona Sarajevo.

Član 107.

(Rok za donošenje podzakonskih akata)

Podzakonski akti za sprovođenje ovog zakona donijet će se u roku od 120 dana od dana stupanja na snagu ovog zakona.

Član 108.

(Rok za usklađivanje osnivačkih akata)

Osnivački akti javnih ustanova uskladit će se sa ovim zakonom, u roku od 120 dana od dana stupanja na snagu ovog zakona.

Član 109.

(Rok za imenovanje upravnih odbora)

- (1) Imenovanje upravnih odbora javnih ustanova, u skladu sa ovim zakonom, izvršit će se u roku od 90 dana od dana stupanja na snagu ovog zakona.
- (2) Do imenovanja upravnih odbora iz stava (1) ovog člana funkciju organa upravljanja vršit će dosadašnji organi upravljanja javnih ustanova.

Član 110.

(Rok za imenovanje direktora, umjetničkih direktora)

- (1) Direktori i umjetnički direktori javnih ustanova imenovaće se u skladu sa ovim zakonom u roku od 90 dana od dana stupanja na snagu ovog zakona.
- (2) Do imenovanja direktora iz stava (1) ovog člana funkciju direktora vršit će dosadašnji direktori.

Član 111.

(Zadržavanje statusa istaknutog samostalnog umjetnika)

Samostalni umjetnici koji su ovaj status stekli po dosadašnjim propisima zadržavaju taj status.

Član 112.

(Prestanak primjene Zakona o ustanovama)

Stupanjem na snagu ovog zakona prestaje sa primjenom Zakon o ustanovama („Službeni list RBiH“, br. 6/92, 8/93 i 13/94) u oblasti kulture na području Kantona Sarajevo .

Član 113.

(Stupanje Zakona na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj, 01-02- /24
Sarajevo, __. __. 2024. godine

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

Obrazac 2.

OBRAZAC ZA PROVOĐENJE SVEOBUHVAATNE PROCJENE UTICAJA PROPISA

Naziv prednacerta/nacrta/prijedloga propisa <i>(Obavezno navesti formu propisa: prednacrt, nacrt ili prijedlog propisa)</i>	Nacrt Zakona o kulturi (redovan postupak)
Obradivač (naziv organa)	Ministarstvo kulture i sporta Kantona Sarajevo
Datum	03.04.2024. godine
Pravni osnov za donošenje propisa	Član 12. stav 1. tačka c) i 18. stav 1. tačka b) Ustava Kantona Sarajevo („Službene novine Kantona Sarajevo“ br. 1/96, 2/96, 3/96, 16/97, 14/00, 4/01, 28/04, 6/13 i 31/17)
1. Analiza stanja i identifikacija problema	
<p>Opišite postojeće stanje i identificirane probleme u skladu sa članom 9. Uredbe. Analizirajte implikacije postojećeg stanja na ciljne grupe i druge zainteresirane strane. Analiza treba da obavezno sadrži obrazloženje neophodnosti normativno-pravnog rješavanja identificiranog problema u odnosu na druga moguća rješenja.</p> <p>Odgovor: Donošenje Zakona o kulturi kao okvirnog zakona kojim se utvrđuje način ostvarivanja javnog interesa u kulturi i obavljanju kulturnih djelatnosti i uređuju uslovi rada i djelovanja ustanova kulture, prava, obaveze i odgovornosti svih subjekata u kulturi, uslovi i postupak za sufinansiranje i finansiranje djelatnosti u kulturi i podrška razvoju kulture, kulturna politika i druga pitanja od značaja za kulturu kao okvir za sve djelatnosti kulture koje se uređuju posebnim zakonima ima veliki strateški interes jer će se nakon njegovog donošenja usklađivati svi zakoni kojim se uređuju pojedine djelatnosti u kulturi sa njegovim odredbama.</p>	
2. Opći i specifični ciljevi propisa	

Identificirajte opće i specifične ciljeve u skladu sa članom 10. Uredbe. Pri utvrđivanju ciljeva nužno je voditi računa o njihovoj preciznosti i konkretnosti, mjerljivosti, relevantnosti i ostvarivosti u jasno određenim rokovima.

Odgovor: Ovim zakonom omogućava se slobodno djelovanje u oblasti kulture, afirmiše i čuva slobodu misli i izražavanja u okviru ustavom i međunarodnim instrumentima zagarantovanih prava i odgovornosti.

Kanton Sarajevo sa jedne strane (u daljem tekstu: Kanton) i Grad Sarajevo (u daljem tekstu: Grad) i općine sa područja Kantona, sa druge strane (u daljem tekstu: jedinice lokalne samouprave) brinu se za ostvarivanje javnog interesa u oblasti kulture.

Opći: Stvoriti uslove za normalan rad institucija kulture čiji osnivači su Kanton Sarajevo i jedinice lokalne samouprave.

Specifični: Spriječiti daljnje stagniranje i propadanje ovih institucija.

3. Identifikacija mogućih opcija za postizanje utvrđenih ciljeva

Identificirajte moguće opcije za postizanje utvrđenih ciljeva u skladu sa članom 11. Uredbe.

Odgovor: Ovim zakonom utvrđuje se javni interes Kantona Sarajevo u kulturi, sufinansiranje institucija kulture, planiranje rada i finansijskog poslovanja, te izvještavanje o radu, poslovanju i utrošku dodjeljenih finansijskih sredstava Kantona Sarajevo.

Opcija 1.

(Opcija zadržavanja postojećeg stanja kojom će se ukazati na posljedice nerješavanja identificiranih problema u narednom periodu)

Opis rješenja i osnovne implikacije: Zadržavanje postojećeg stanja omogućava stagnaciju kulture, lagano propadanja institucija kulture, odliv kulturnih radnika u druge centre kulture u regiji i inostranstvu, letargiju i osjećaj bezidejnosti.

Opcija 2.

(Opcija djelimičnog rješavanja identificiranih problema parcijalnim normativnim rješenjima ili poduzimanjem određenih mjera izvan kreiranja ili mijenjanja regulatornog okvira)

Opis rješenja i osnovne implikacije: Donošenje zakona omogućava pojačano sufinansiranje projekata i manifestacija, dodatno zapošljavanje i angažovanje umjetnika i stručnih kulturnih radnika, njihov ostanak u Sarajevu da stvaraju i obogaćuju kulturnu scenu Sarajeva.

Opcija 3.

(Opcija usvajanja novog i sveobuhvatnog normativnog okvira ili izmjena i dopuna postojećeg pravnog okvira kojim će se u potpunosti ili u najvećoj mogućoj mjeri riješiti identificirani problem)

Opis rješenja i osnovne implikacije: Primjena zakona će pružiti normativni okvir za rad institucija kulture, afirmisati umjetnike i stručne i kulturne radnike za produktivnije djelovanje u oblasti kulture, a isto tako zakon omogućava podršku projektima i manifestacijama kroz Budžet Ministarstva što je detaljno pojašnjeno u obrazloženju Zakona.

4. Procjena uticaja identificiranih opcija

Izvršite procjenu uticaja u skladu sa članom 12. Uredbe.

Sve uticaje opisati navodeći:

- a) nivo uticaja: a) bez uticaja (ili sa zanemarljivim uticajem), b) značajni uticaji, c) vrlo značajni uticaji**
- b) glavne izvore podataka za procjenu,**
Glavni izvor podataka za procjenu sadržan je u Budžetu Kantona Sarajevo.
- c) dostupne podatke i kvantitativne i kvalitativne pokazatelje, te**
Pribavljeni su podaci iz svih 7 institucija o broju i zanimanju zaposlenih radnika.
- d) analizu podataka i procjenu relevantnosti i obima uticaja te zaključak da li je uticaj pretežno pozitivan ili negativan.**
Podaci i kvantitativni pokazatelji su priloženi tabelarno iskazani uz prijedlog nacrtu zakona, a što ukazuje da će uticaj zakona kada bude donesen biti pretežno pozitivan.

Opcije	Opcija 1.	Opcija 2.	Opcija 3.
Fiskalni uticaji	Bez uticaja	Značajni fiskalni uticaji se obezbjeđuju ovim zakonom jer Kanton Sarajevo treba da obezbijedi do 1% redovnog godišnjeg Budžeta za oblast kulture	Bez uticaja
Ekonomski uticaji	Bez uticaja	Značajni ekonomski uticaji se obezbjeđuju ovim zakonom na način da se utvrđuje postojanje javnog interesa Kantona Sarajevo za sufinansiranje institucija koje omogućuje: a) pravo građana Kantona Sarajevo na pristup uslugama institucija u okviru njihovih registrovanih djelatnosti, b) prava i obaveza institucija da izvršavaju poslove iz okvira njihove registrovane djelatnosti koje su od opšteg/javnog društvenog interesa uređene posebnim zakonima iz oblasti kulture, c) prava zaposlenika na rad i dohodak za obavljanje rada i poslova iz registrovane djelatnosti ovih institucija, d) zaštita objekata u kojima su smještene ove institucije od daljeg propadanja, a posebno onih koji su na listi proglašanih nacionalnih spomenika.	Bez uticaja

Socijalni uticaji	Bez uticaja	Zakon ne sadrži odredbe koje bi mogle dovesti do socijalne nesigurnosti.	Bez uticaja
Uticaji na zaštitu osnovnih ljudskih prava i sloboda	Bez uticaja	Značajni uticaji Pravo na rad i pravo na plaću	Bez uticaja
Uticaji na zaštitu životne okoline	Bez uticaja	Bez uticaja	Bez uticaja
Koruptivni rizici	Bez uticaja	Bez uticaja	Bez uticaja

5. Usporedna analiza opcija i odabir najpovoljnije opcije

Analizirajte opcije u skladu sa kriterijima iz člana 14. Uredbe.

	Opcija 1.	Opcija 2.	Opcija 3.
Postizanje cilja	Institucijama onemogućeno da normalno obavljaju svoju djelatnost	Institucije izvršavaju registrovanu djelatnost	Značajnim ulaganjima u daljoj budućnosti dostižu nivo EU instituc
Provedivost	Građani ne mogu da koriste usluge	Građani dobijaju usluge institucija	Usluge institucija na visokom nivou
Jasnoća	Naučnim radnicima i studentima otežan pristup	Naučni radnici i studenti imaju podršku	Podrška na visokom tehničkom nivou
Troškovi primjene	Budžet za kulturu cca 50% Budžeta KS	Budžet kulture do 1% KM	Planira se znatno viši nivo budžeta
Usklađenost	Sufinansiranje nije u skladu sa propisima	Sufinansiranje usklađeno sa propisima	Sufinansiranje usklađeno sa EU direktivama
Integralni pristup	Ne postoji	Počinje da se formira	Sasvim zaživio
Održivost	Na dosadašnjem nivou neodrživo	Održivost se uspostavlja	Razvoj na Evropskom nivou
Efikasnost	Ne zadovoljava	Postepeno raste	Dostiže EU nivo

6. Odabrana opcija

Navedite odabranu opciju i dajte obrazloženje razloga za odabir ove opcije kao najpovoljnije. Izabrana je Opcija 2. jer raspoložemo finansijskim sredstvima za njeno provođenje. Skupština Kantona Srajevo će Zakon donjeti po redovnoj proceduri u skladu sa Poslovnikom Skupštine.

7. Provođenje konsultacija

7.1. Navedite podatke iz izvještaja o provedenim konsultacijama (izvještaj se obavezno prilaže) o kantonalnim organima i drugim institucijama Kantona i drugih nivoa vlasti sa kojima su provedene konsultacije, uključujući vrijeme konsultacija, metode konsultacija, zaprimljene primjedbe i sugestije, te ishode koje su konsultacije imale na sadržaj propisa.

Odgovor: Zakon se dostavlja na 53 adrese i biće objavljen na web stranici Ministarstva kulture i sporta sa javnim pozivom svim zainteresiranim za učešće u konsultacijama, a koje će trajati 21 dan od dana objave. Izvještaj o konsultacijama će biti dat u prilogu i sadržavat će odgovor na svaki dati prijedlog učesnika u ovom procesu.

7.2. Navedite podatke iz izvještaja o provedenim konsultacijama (izvještaj se obavezno prilaže) o institucijama, organizacijama i pojedincima sa kojima su provedene javne konsultacije, uključujući vrijeme konsultacija, metode konsultacija, zaprimljene primjedbe i sugestije, te ishode koje su konsultacije imale na sadržaj propisa.

Odgovor:

8. Praćenje i evaluacija

8.1. Navedite pokazatelje izvršenja i uspješnosti provođenja propisa, koji uključuju polazne i ciljne vrijednosti, izvore i metode prikupljanja i verifikacije podataka, koji će biti korišteni za praćenje provođenja propisa u skladu sa članom 19. Uredbe.

Odgovor:

8.2. Navedite plan za provođenje evaluacije propisa u skladu sa članom 20. Uredbe.

Odgovor:

9. Zaključak

Ukratko predstavite ukupne rezultate provedene procjene uticaja, sa osvrtom na analizu opcija u skladu sa kriterijima, rezultate konsultacija i opisom odabranih rješenja koja se upućuju u dalju zakonodavnu proceduru.

Odgovor:

PRIBAVLJENA MIŠLJENJA KONTROLNIH TIJELA (popunjava se nakon pribavljanja mišljenja i izmjena obrasca u skladu sa mišljenjima)

Kontrolno tijelo	Datum dostavljanja mišljenja i broj akta	Mišljenje priloženo DA/NE	Mišljenje potvrđuje procjenu uticaja DA/NE	Sažetak mišljenja i opis izmjena Obrasca 2. i odabranih rješenja u skladu sa mišljenjem	Očitovanje u vezi sa spornim pitanjima u slučaju neslaganja obrađivača sa mišljenjem
Ministarstvo finansija (daje mišljenje u pogledu provjere procjene fiskalnih uticaja i ekonomskih uticaja)					
Ministarstvo za rad, socijalnu politiku, raseljena lica i izbjeglice (daje mišljenje pogledu provjere provedene procjene socijalnih uticaja)					
Ministarstvo pravde i uprave (daje mišljenje u pogledu provjere provedene procjene uticaja na zaštitu ljudskih prava i sloboda)					

Ministarstvo komunalne privrede, infrastrukture, prostornog uređenja, građenja i zaštite okoliša (daje mišljenje u pogledu provjere procjene uticaja na životnu sredinu)					
Ured za borbu protiv korupcije i upravljanje kvalitetom (daje mišljenje u pogledu procjene uticaja koruptivnih rizika u zakonima)					

IZJAVA O PROVOĐENJU SVEOBUHvatNE PROCJENE UTICAJA PROPISA, PROVOĐENJU KONSULTACIJAMA I PRIBAVLJANJU MIŠLJENJA KONTROLNIH TIJELA

Svojim potpisom koordinator postupka procjene uticaja i svojim potpisom i pečatom rukovodilac obrađivača potvrđuju da je provedena sveobuhvatna procjena uticaja propisa u skladu sa Uredbom o procjeni uticaja propisa u Kantonu Sarajevo i drugim relevantnim propisima.

COORDINATOR POSTUPKA PROCJENE UTICAJA

Datum i mjesto 03.04. 2024. godine, Sarajevo

Ekvedina Kozadra

RUKOVODIOCA OBRADIVAČA

Datum i mjesto 03.04. 2024. godine, Sarajevo

MINISTAR

Kejan Magoda



O b r a z l o ž e n j e

I – PRAVNI OSNOV:

Pravni osnov za donošenje ovog zakona sadržan je u odredbama člana 11. i 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17).

Član 11. Ustava Kantona Sarajevo - "Određivanje nadležnosti - Kanton ima nadležnosti utvrđene Ustavom Federacije i ovim Ustavom. U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona."

Izvod iz člana 18. stav 1. tačka b) Ustava Kantona Sarajevo glasi:

"Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona."

II – RAZLOZI ZA DONOŠENJE

Zakon o kulturi Kantona Sarajevo potrebno je donijeti jer je prethodni Zakon o ustanovama ("Sl. List RBiH", br 6/92, 8/93 i 13/94) koji je u velikoj mjeri uređivao materiju ovog Zakona donesen u ratnom periodu kao Uredba sa zakonskom snagom i uz docnije manje izmjene i dopune se primjenjivao do danas.

U međuvremenu je došlo do ogromnog naučnog i tehničkog razvoja na svim poljima ljudskog djelovanja i stvaralaštva, a posebno u informacionim i elektronskim kapacitetima čime se onda to posljedično odražava na sve sfere društvenog života.

Iz tih razloga ni kultura ne može ostati po strani, te je krajnje vrijeme da se donese jedan moderan sveobuhvatan i napredan Zakon o kulturi Kantona Sarajevo koji će moći pratiti društveni razvoj i omogućiti unapređenje i razvoj kulture.

Osim toga u Programu rada Vlade i Skupštine za 2024. godinu uvrštena je posebna tačka posvećena pripremi i donošenju Zakona o kulturi Kantona Sarajevo.

III – OBRAZLOŽENJE POJEDINIH ODREDBI

U članu 1. određen je predmet zakona na način da se u stavu (1) Ovim zakonom utvrđuje način ostvarivanja javnog interesa u kulturi i obavljanju kulturnih djelatnosti i uređuju uslovi rada i djelovanja ustanova kulture, prava, obaveze i odgovornosti svih subjekata u kulturi, uslovi i postupak za sufinansiranje i finansiranje djelatnosti u kulturi i podrška razvoju kulture, kulturna politika i druga pitanja od značaja za kulturu, a u stavu (2) da će se pojedinačne djelatnosti kulture, urediti posebnim zakonima.

U prvom dijelu – Osnovne odredbe, pored predmeta zakona uređeni su: sloboda djelovanja i javni interes (član 2.); ravnopravnost i zabrana diskriminacije (član 3.); pojam kultura (član 4.) načela ostvarivanja i razvoja kulture (član 5.);

U drugom dijelu – Javni interes u kulturi: poslovi od javnog interesa u kulturi (član 6.) strategija razvoja kulture Kantona Sarajevo (član 7.) strategija razvoja kulture jedinica lokalne samouprave (član 8.) sadržaj i način donošenja Strategije (član 9.) savjetodavno vijeće u kulturi (član 10.);

U trećem dijelu: djelatnosti u kulturi (član 11.) djelatnosti u oblasti umjetničkog stvaralaštva, produkcije i interpretacije (član 12.) djelatnosti u oblasti istraživanja, prezentovanja, dokumentovanja, zaštite i promovisanja kulture (član 13.);

U četvrtom dijelu – Nosioци djelatnosti u oblasti kulture: subjekti u kulturi (član 14.) u poglavlju 1. ustanove kulture Odjeljak A. Osnivanje ustanove - zajedničke odredbe - djelatnost ustanove (član 15.); status ustanove (član 16.) osnivanje javne ustanove (član 17.) uslovi za osnivanje i početak rada ustanove (član 18.) akt o osnivanju ustanove (član 19.);

Odjeljak B. upis ustanove u Registar ustanova kulture - upis u Registar ustanova kulture i brisanje iz Registra (član 20.), upis u Registar (član 21.), pravo obavljanja djelatnosti (član 22.), svojstvo pravnog lica (član 23.)

Odjeljak C. Opšti akti ustanove - pravila ustanove (član 24.) Odjeljak D. Upravljanje, rukovođenje i nadzor nad radom ustanove - upravljanje ustanovom (član 25.) Pododjeljak a) Upravni odbor - upravni odbor (član 26.) sastav upravnog odbora ustanove (član 27.) imenovanje i razrješenje predsjednika i člana upravnog odbora ustanove (član 28.) pododjeljak b) Nadzorni odbor ustanove - nadzorni odbor ustanove (član 29.) razlozi za razrješenje predsjednika i člana nadzornog odbora ustanove (član 30.) Pododjeljak c) Direktor ustanove - direktor ustanove (član 31.) izbor direktora ustanove (član 32.) razrješenje direktora ustanove (član 33.) Pododjeljak d) Umjetnički savjet ustanove - umjetnički savjet ustanove (član 34.) djelokrug umjetničkog savjeta (član 35.) Pododjeljak e) Umjetnički direktor ustanove - imenovanje, razrješenje i djelokrug rada umjetničkog direktora (član 36.) Pododjeljak f) Obaveze osnivača i ustanove - obaveze osnivača (član 37.) obaveze ustanove (član 38.) Pododjeljak g) Prihodi ustanove - sopstveni prihodi ustanove (član 39.) donacije i druge pomoći (član 40.) Pododjeljak h) Statusne promjene, nadzor i prestanak ustanove - statusne promjene (član 41.) nadzor nad zakonitošću rada ustanove (član 42.) razlozi i način prestanka rada ustanove (član 43.) akt o prestanku rada ustanove (član 44.);

POGLAVLJE II. JAVNA USTANOVA - Odjeljak A. Osnivanje javne ustanove - osnivanje javne ustanove (član 45.) elaborat o osnivanju javne ustanove (član 46.) akt o osnivanju javne ustanove (član 47.) Odjeljak A. Upravljanje, rukovođenje i nadzor nad radom javne ustanove - organi upravljanja, rukovođenja i nadzora u javnim ustanovama (član 48.) Pododjeljak a) Upravni odbor javne ustanove - upravni odbor javne ustanove (član 49.) odlučivanje Upravnog odbora (član 50.) imenovanje i razrješenje upravnog odbora javne ustanove (član 51.) razlozi za razrješenje predsjednika i člana upravnog odbora javne ustanove (član 52.) Pododjeljak b) Nadzorni odbor javne ustanove - nadzorni odbor javne ustanove (član 53.) razlozi za razrješenje predsjednika i člana nadzornog odbora javne ustanove (član 54.) Pododjeljak c) Umjetnički savjet i drugi stručni organ - umjetnički savjet i drugi stručni organ (član 55.) Pododjeljak d) direktor javne ustanove - rukovođenje javnom ustanovom (član 56.) odluka o imenovanju direktora (član 57.) imenovanje vršioca dužnosti direktora (član 58.) prava i dužnosti direktora (član 59.) slučajevi prijevremenog razrješenja direktora (član 60.) Pododjeljak e) Umjetnički direktor javne ustanove - imenovanje i razrješenje i djelokrug rada umjetničkog direktora (član 61.);

DIO ŠESTI - OPŠTI AKTI USTANOVE - pravila ustanove (član 62.) sadržaj pravila (član 63.)

DIO SEDMI - SREDSTVA ZA RAD JAVNE USTANOVE I ODGOVORNOST I OBAVEZE JAVNE USTANOVE - sredstva za rad javne ustanove (član 64.) višak prihoda nad rashodima (član 65.) odgovornost za obaveze (član 66.).

DIO OSMI - UMJETNICI I STRUČNJACI U KULTURI – umjetnik (član 67.) stručnjak u kulturi (član 68.) registar umjetnika i registar stručnjaka u kulturi (član 69.) uslovi za upis u registar umjetnika (član 70.) uslovi za upis u registar stručnjaka u kulturi (član 71.) istaknuti samostalni umjetnik (član 72.).

DIO DEVETI – UDRUŽIVANJE - sloboda udruživanja (član 73.) povjeravanje javnih ovlaštenja (član 74.) zadužbina u kulturi (član 75.) osnivački akt zadužbine (član 76.) način i uslovi za osnivanje zadužbine (član 77.) naziv zadužbine (član 78.) registar zadužbina (član 79.).

DIO DESETI - OSTVARIVANJE KULTURNE POLITIKE - kulturna politika (član 80.).

DIO JEDANAESTI - PODRŠKA RAZVOJA KULTURE

POGLAVLJE I. RAZVOJ KULTURE – Sufinansiranje projekata (član 81.) javni poziv (član 82.) pravo učešća na konkursu (član 83.) prijava na konkurs (član 84.) kriteriji za vrijednovanje projekata (član 85.) komisija za vrijednovanje projekata (član 86.) sprječavanje sukoba interesa (član 87.) prijedlog za sufinansiranje (član 88.) odluka o sufinansiranju (član 89.) ugovor o sufinansiranju (član 90.) upravljanje projektom (član 91.) namjensko korištenje sredstava (član 92.) nadzor nad izvršavanjem ugovora (član 93.) obezbjeđivanje radnog prostora (član 94.) kreativne industrije (član 95.) Amaterizam (član 96.).

DIO DVANAESTI - FINANSIRANJE KULTURE - izvori finansiranja (član 97.) sredstva budžeta Kantona (član 98.) sredstva budžeta Grada i općina (član 99.) namjenski izvori prihoda (član 100.).

DIO TRINAESTI – NADZOR - nadzor nad primjenom zakona (član 101.) ovlaštenja inspektora (član 102.).

DIO ČETRINAESTI - JAVNA INFRASTRUKTURA U OBLASTI KULTURE - javna infrastruktura (član 103.).

DIO PETNAESTI - KAZNENE ODREDBE - kazne za prekršaj koje počini ustanova i odgovorno lice u ustanovi (član 104.) Kazne za prekršaj koje počini fizičko lice (član 105.).

DIO ŠESNAESTI - PRELAZNE I ZAVRŠNE ODREDBE - donošenje strategija (član 106.) rok za donošenje podzakonskih akata (član 107.) rok za usklađivanje osnivačkih akata (član 108.) rok za imenovanje upravnih odbora (član 109.) rok za imenovanje direktora, umjetničkih direktora (član 110.) zadržavanje statusa istaknutog samostalnog umjetnika (član 111.) prestanak primjene Zakona o ustanovama (član 112.) stupanje Zakona na snagu (član 113.).

IV – FINANSIJSKA SREDSTVA ZA PROVOĐENJE ZAKONA

Za provođenje Zakona o kulturi Kantona Sarajevo samo su djelimično obezbijeđena finansijska sredstva u budžetu Kantona Sarajevo, a prema Dokumentu okvirnog budžeta DOB 2024. - 2026., a što je nedovoljno za razvoj i unapređenje kulture predviđeno ovim zakonom.

Za provođenje Zakona neophodna su finansijska sredstva u iznosu od najmanje 1 % godišnjeg Budžeta, obzirom da Zakon predviđa razvojnu komponentu kada je u pitanju kultura, te unapređenje stručnog rada i obezbjeđivanje i poboljšavanje uslova za obavljanje kulturnih djelatnosti (objekti, oprema, stručni kadrovi, institucionalno jačanje kulture), opremanje pratećih službi za vođenje čitavog niza registara koje predviđa Zakon.

Prilog: IFP DA obrazac.



PERIOD	SISTEMATIZOVANO			PLANIRANO BUDŽETOM			TRENUTNO STANJE		POTREBNO	
	Postojeće stanje (n)	n+1	n+2	Postojeće stanje (n)	n+1	n+2	Postojeće stanje (n)	n+1	n+2	
Rukovodni službenici i Savjetnici										
Službenici i Namještenici										
Volonteri										
UKUPNO	0	0	0	0	0	0	0	0	0	
Obrazloženje	<p>Predloženi Nacrt Zakona o kulturi je Okvirni zakon, kojim će se unaprijediti i usuglasiti trenutno važeći zakoni kojima se reguliraju oblasti kulture (Zakon o muzejskoj djelatnosti, Zakon o filmskoj djelatnosti, Zakon o pozorišnoj djelatnosti, Zakon o bibliotekskoj djelatnosti, Zakon o estradnoj umjetnosti, Zakon o samostalnim umjetnicima, Zakon o zaštiti kulturne baštine i Zakon o arhivskoj djelatnosti) i predvidio je unapređenje kulture u svim segmentima. Za sprovođenje navedenog zakona bila potrebna obvezujuća sredstva minimalno od 1% Budžeta Kantona Sarajevo na poziciji Ministarstva kulture i sporta. Budžet Kantona Sarajevo za 2024. godinu je planiran u iznosu od 1.300.505.000,00 KM. Što znači da bi budžet za kulturu iznosio 13.005.050,50 KM.</p>									
5. Potencijalne obaveze za budžet										
NAZIV	Planirani iznos budžetskih sredstava na poziciji Ministarstva kulture i sporta za 2024. godinu, 014000- Tekući transferi za kulturu iznosi 9.700.000,00 KM, a traženi zahtjev od 1% ukupnog Budžeta Kantona Sarajevo je 15.305.700,00 KM. Tako da bi usvajanjem predložene Zakona o sportu, Kantona Sarajevo za 2024. godinu nedostajalo 5.605.700,00 KM.									
Garancije										
Ostalo										
E 6. Fiskalni efekt na druge nivoe vlasti										
NAZIV										
Budžet BiH, vanbudžetski fondovi i korisnici										
Budžet Federacije Bosne i Hercegovine, Federalni vanbudžetski fondovi i korisnici										
Budžet kantona, vanbudžetski fondovi i korisnici										
Budžet Brčko distrikta Bosne i Hercegovine										
Jedinice lokalne samouprave (općine i gradovi)										
F 7. Pučat i potpis odgovornog lica obradivača, odnosno predlagача prijedloga									Mjesto i datum	
								Sarajevo, 05.04.2024. godine		

